

大般涅槃經

(三十六卷：第二十八卷至第三十卷)

北涼天竺三藏曇無讖譯 梵

宋沙門慧嚴慧觀同謝靈運再治



南無本師釋迦牟尼佛

說 明

本繁體校正版《大般涅槃經》(南本)電子書，是根據《乾隆大藏經》大乘涅槃部，第0110部，北涼天竺三藏曇無讖譯梵、宋沙門慧嚴慧觀同謝靈運再治《大般涅槃經》(36卷)影印本校正的。標點符號僅供參考。

為了便於讀誦，本電子書按順序每三卷合為一冊，共十二冊。若每天讀一冊，可十二天讀完。

本電子書是免費結緣品。特此說明。

仁慧草堂

二〇一八年十一月

目 录

起誦儀	- 1 -
香讚	- 1 -
開經偈	- 1 -
大般涅槃經卷第二十八	- 2 -
師子吼菩薩品第二十三之四	- 2 -
大般涅槃經卷第二十九	- 32 -
師子吼菩薩品第二十三之五	- 32 -
大般涅槃經卷第三十	- 62 -
師子吼菩薩品第二十三之六	- 62 -
結誦儀	- 92 -
補闕真言	- 92 -
發願文	- 92 -
迴向偈	- 93 -
迴向偈	- 93 -
三皈依	- 94 -

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

大般涅槃經卷第二十八

北涼天竺三藏曇無讖譯 梵

宋沙門慧嚴慧觀同謝靈運再治

師子吼菩薩品第二十三之四¹

「是時，六師心生嫉妬，悉共²集詣波斯匿王，作如是言：『大王當知，王之土境清夷閑靜，真是出家住止之處，是故我等為斯事故而來至此。大王以正法治，為民除患。沙門瞿曇年既幼稚，學日又淺，道術無施，此國先有耆舊宿德，自怙王種，不生恭敬。若是王種，法應治民。如其出家，應敬宿德。大王善聽，沙門瞿曇真實不生王種之中，瞿曇沙門若有父母，何由劫奪他人父母？大王，我經中說，過千歲已，有一妖祥幻化物出，所謂沙門瞿曇是也。是故當知，沙門瞿曇無父無母。若有父母，云何說言諸法無常、苦、空、無我、無作、無受？以幻術故，誑惑眾生，愚者信受，智者捨之。大王，夫人王者，天下父母，如稱³、如地、如風、如火、如道、如河、如橋、

¹ 大正藏：師子吼菩薩品之四

² 大正藏：來

³ 大正藏：秤

如燈、如日、如月，如法斷事，不擇怨親。沙門瞿曇不聽我活，隨我去處追逐不捨。惟⁴願大王，聽我與彼拏其道力，若彼勝我，我當屬彼；我若勝彼，彼當屬我。』

「王言：『大德，汝等各各自有行法，止住之處亦各不同，我今定知如來世尊於汝無妨。』六師答言：『云何無妨？沙門瞿曇以幻術法，誘誑諸人及婆羅門歸伏已盡。王若聽我與拏道力，王之善名流布八方；如其不者，惡聲盈路。』王言：『大德，汝等未知如來道力威神巍巍，故求拏試。若定知者，恐不能也。』『大王，汝今已受瞿曇幻耶？惟⁵願大王留神聽察，莫輕我等。搆之虛言，不如驗之以實。』王言：『善哉！善哉！』六師之徒歡喜而出。

「時，波斯匿王即勅嚴駕來至我所，頭面禮敬，右繞三匝，退坐一面，而白我言：『世尊！六師向來求拏道力，我不量度，敢以⁶許之。』佛言：『大王，善哉！善哉！但當更於此國處處造立僧坊。何以故？我若與彼拏其神力，彼眾之中受化者多，此處狹小，云何容受？』

⁴ 大正藏：唯

⁵ 大正藏：唯

⁶ 大正藏：已

「善男子，我於爾時為六師故，從初一日至十五日，現大希有神通變化。當是時也，無量眾生發阿耨多羅三藐三菩提心；無量眾生於三寶所生信不疑；六師徒眾其數無量，破邪見心，正法出家；無量眾生於菩提中得不退心；無量眾生得陀羅尼諸三昧門；無量眾生得須陀洹⁷至阿羅漢果。

「爾時，六師內心慚愧，相與圍繞至婆枳多城，教彼人民信受邪法：『瞿曇沙門但說空事。』

「善男子，我時為母處忉利天波利質多樹安居說法。是時，六師心大歡喜，唱言：『善哉！瞿曇幻術今已滅沒。』復教無量無數眾生增長邪見。爾時，頻婆娑羅、波斯匿王及四部眾白目連言：『大德！此閻浮提邪見增長，眾生可憫，行大黑暗。惟願大德，至彼天上，稽首世尊，如我言曰：「譬如犢子，其生未久，若不得乳，必死無疑；我等眾生亦復如是。惟願如來，哀憫眾生，還來住此。』』時，目犍連默然而許，如大力士屈伸臂頃，往彼天上，至世尊所，白佛言：『閻浮提中所有四眾渴仰如來，思見聞法。頻婆娑羅、波斯匿王及四眾等稽首足下：「此閻浮提所有眾

⁷ 大正藏：須陀洹果；永樂北藏及龍藏：須陀洹

生邪見增長，行大黑暗，甚可憐憫。譬如犢子，其生未久，若不得乳，必死不疑；我等亦爾。惟願如來為眾生故，還來在此閻浮提中。」』佛告目連：『汝今速還至閻浮提，告諸國王及四部眾，却後七日，我當還下。為六師故，復當至彼婆枳多城。』

「過七日已，佛與釋天、梵天、魔天、無量天子及首陀會一切天人，前後圍繞，至婆枳多城，大師子吼作如是言：『惟⁸我法中，獨有沙門及婆羅門，一切諸法無常無我，涅槃寂靜，離諸過患。若言他法亦有沙門及婆羅門，有常、有我、有涅槃者，無有是處。』爾時，無量無邊眾生發阿耨多羅三藐三菩提心。是時，六師各相謂言：『若我法中實無沙門、婆羅門者，云何而得世間供養？』於是六師復共⁹集聚，詣毗舍離。

「善男子，我於一時住毗舍離菴羅林間。時，菴羅女知我在中欲來我所。我於爾時，告諸比丘：『當觀念處，善修智慧，隨所修習，心莫放逸。云何名為觀於念處？若有比丘，觀察內身，不見於我及以我所；觀察外身及內外身，不見於我及

⁸ 大正藏：唯

⁹ 大正藏：相

以我所，觀受心法亦復如是，是名念處。云何名為修習智慧？若有比丘，真實而見苦、集、滅、道，是名比丘修習智慧。云何名為心不放逸？若有比丘，念佛、念法、念僧、念戒、念捨、念天，是名比丘心不放逸。』

「時，菴羅女即至我所，頭面作禮，右繞三匝，修敬已畢，却坐一面。善男子，我於爾時為菴羅女如應說法。是女聞已，發阿耨多羅三藐三菩提心。

「時，彼城中有梨車子，其數五百，來至我所，頭面作禮，右繞三匝，修敬已畢，却住¹⁰一面。我時復為諸梨車子如應說法：『諸善男子，夫放逸者有五事果。何等為五？一¹¹、不得自在財利；二¹²、惡名流布於¹³外；三¹⁴、不樂惠施窮乏；四¹⁵、不樂見於四眾；五¹⁶、不得諸天之身。諸善男子，因不放逸，能生世法、出世間法。若有欲得阿耨多羅三藐三菩提者，應當勤修不放逸法。夫放逸者，復得十三果報。何等十三？一¹⁷、

¹⁰ 大正藏：坐

¹¹ 大正藏：一者；永樂北藏及龍藏：一

¹² 大正藏：二者；永樂北藏及龍藏：二

¹³ 大正藏：無

¹⁴ 大正藏：三者；永樂北藏及龍藏：三

¹⁵ 大正藏：四者；永樂北藏及龍藏：四

¹⁶ 大正藏：五者；永樂北藏及龍藏：五

¹⁷ 大正藏：一者；永樂北藏及龍藏：一

樂為世間作業；二¹⁸、樂說無益之言；三¹⁹、常樂久寢睡眠；四²⁰、樂說世間事²¹；五²²、常樂親近惡友；六²³、懈怠懶惰；七²⁴、常為他人所輕；八²⁵、雖有所聞尋復忘失；九²⁶、樂處邊地；十²⁷、不能調伏諸根；十一²⁸、食不知足；十二²⁹、不樂空寂；十三³⁰、所見不正。是名十三。善男子，夫放逸者，雖得近佛及佛弟子，猶故為遠。』諸梨車³¹言：『我等自知是放逸人。何以故？如其我等不放逸者，如來法王當出我土。』

「時，大會中有婆羅門子，名曰無勝，語諸梨車：『善哉！善哉！如汝所言，頻婆娑羅王已獲大利。如來世尊出其國土，猶如大池生妙蓮華，雖生在水，水不能污。諸梨車子，佛亦如是，雖生彼國，不為世法之所滯閼³²。諸佛世尊無出無入，為眾生故，出現於世，不為世法之所滯閼³³。』

¹⁸ 大正藏：二者；永樂北藏及龍藏：二

¹⁹ 大正藏：三者；永樂北藏及龍藏：三

²⁰ 大正藏：四者；永樂北藏及龍藏：四

²¹ 大正藏：之事；永樂北藏及龍藏：事

²² 大正藏：五者；永樂北藏及龍藏：五

²³ 大正藏：六者；永樂北藏及龍藏：六

²⁴ 大正藏：七者；永樂北藏及龍藏：七

²⁵ 大正藏：八者；永樂北藏及龍藏：八

²⁶ 大正藏：九者；永樂北藏及龍藏：九

²⁷ 大正藏：十者；永樂北藏及龍藏：十

²⁸ 大正藏：十一者；永樂北藏及龍藏：十一

²⁹ 大正藏：十二者；永樂北藏及龍藏：十二

³⁰ 大正藏：十三者；永樂北藏及龍藏：十三

³¹ 大正藏：梨車子；永樂北藏及龍藏：梨車

³² 大正藏：礙

³³ 大正藏：礙

仁等自迷耽荒五欲，不知親近往如來所，是故名為放逸之人，非佛出於摩伽陀國名放逸也。何以故？如來世尊猶彼日月，非為一人、二人出世。』

「時，諸梨車聞是語已，尋發阿耨多羅三藐三菩提心。復作是言：『善哉！善哉！無勝童子！快說如是善妙之言。』時，諸梨車各各脫身所著一衣，以施無勝。無勝受已，轉以奉我，復作是言：『世尊！我從梨車得是衣物，惟願如來哀憫眾生，受我所獻。』我於爾時，憫彼無勝，即為納受。時，諸梨車同時合掌，作如是言：『惟願如來，於此土地一時安居，受我微供。』我時默然，受梨車請。是時，六師聞是事已，師宗相與詣波羅捺。

「爾時，我復往波羅捺住波羅河邊。時，波羅捺有長者子，名曰寶稱，耽荒五欲，不知非常。以我到故，自然而得白骨觀法，見其殿舍、宮人、嫖女悉為白骨，心生怖懼，如刀、毒蛇、如賊、如火，即出其舍來詣我所，隨路而³⁴言：『瞿曇沙門！我今如為賊所追逐，甚大怖懼，願見救濟。』佛言：『善男子，佛、法、眾僧安隱無懼。』長者子言：『若三寶中無所畏者，我今亦當得無所畏。』

³⁴ 大正藏：告

我即聽其出家為道。時，長者子復有同友，其數五十，遙聞寶稱厭離出家，即共和順，相與出家。

「六師聞已，展轉復詣瞻婆大城。時，瞻婆國一切人民悉共奉事六師之徒，初未曾聞佛、法、僧名，多有諸人作極惡業。我於爾時，為眾生故，往瞻婆城。時彼城中，有大長者，無有繼嗣，供事六師，以求子息。於後不久，其婦懷妊，長者知己，往六師所，歡喜而言：『我婦懷妊，男耶？女耶？』六師答言：『生必是女。』長者聞已，心生愁惱。復有知識來謂長者：『何故愁惱乃至³⁵是耶？』長者答言：『我婦懷妊，未知男女，故問六師。六師見語：「如我相法，生必是女。」我聞是語，自惟年老，財富無量，如其非男，無所付囑，是故我愁。』知識復言：『汝無智慧！先不聞耶？優樓頻螺迦葉兄弟為誰弟子？佛耶？六師耶？六師若是一切智者，迦葉何故捨之，為佛弟子。又，舍利弗、目犍連等及諸國王頻婆娑羅等、諸王夫人、末利夫人等、諸國長者須達多等，如是諸人，非佛弟子耶？曠野鬼神、阿闍世王、護財醉象、鴛掘摩羅惡心熾盛欲害其母，如是等輩斯非如來所調伏耶？長者，如來世尊於一切法知

³⁵ 大正藏：如

見無閼³⁶，故名為佛；發言無二，故名如來；斷煩惱故，名阿羅訶。世尊所說終無有二，六師不爾，云何可信？如來今者近在此住，若欲實知，當詣佛所。』

「爾時，長者即與是人來詣我所，頭面作禮，右繞三匝，合掌長跪，而作是言：『世尊於諸眾生平等無二，怨親一相；我為愛結之所繫縛，於怨、親中未能無二。我今欲問如來世事，深自愧懼，未敢發言。世尊！我婦懷妊，六師相言：「生必是女。」是事云何？』佛言：『長者，汝婦懷妊，是男無疑。其兒生已，福德無比。』爾時，長者聞是語已，生大歡喜，便退還家。

「爾時，六師聞我懸³⁷記：『生者必男，有大福德。』心生嫉妬，以菴羅果和合毒藥，持往其家，語長者言：『快哉！瞿曇善說其相。汝婦臨月，可服此藥，服此藥已，兒則端正，產者無患。』長者歡喜，受其毒藥，與婦令服，服已尋死。六師歡喜，周遍城市高聲唱言：『沙門瞿曇記彼長者婦當生男，其兒福德天下無勝。今兒未生，母已喪命。』爾時，長者復於我所生不信心，即依

³⁶ 大正藏：礙

³⁷ 大正藏：玄

世法殞斂³⁸棺蓋，送至城外，多積乾薪，以火焚之。

「我以道眼明見此事，顧命阿難：『取我衣來，吾欲往彼摧滅邪見。』時，毗沙門天告摩尼跋陀大將言：『如來今欲詣彼塚間，卿可速往，平治掃灑，安師子座，求妙香華莊嚴其地。』爾時，六師遙見我往，各相謂言：『瞿曇沙門至此塚間欲啖肉耶？』爾時，多有未得法眼諸優婆塞各懷愧懼而白我言：『彼婦已死，願不須往。』爾時，阿難語諸人言：『且待須臾，如來不久當廣開闡諸佛境界。』

「我時到已，坐師子座。長者難言：『所言無二，可名世尊。母已終亡，云何生子？』我言：『長者，卿於爾時，都不見問母命脩短，但問所懷為是男女。諸佛如來發言無二，是故當知定必得子。』是時，死屍火燒腹裂，子從中出，端坐火中，猶如鴛鴦處蓮華臺。六師見已，復作是言：『妖哉！瞿曇，善為幻術。』長者見已，心復歡喜，呵責³⁹六師：『若言幻者，汝何不作？』

「我於爾時，尋告耆婆：『汝往火中抱是兒

³⁸ 大正藏：殞

³⁹ 大正藏：噴

來。』耆婆欲往，六師前牽語耆婆言：『沙門瞿曇⁴⁰所作幻術未必常爾，或能不能，如其不能，脫能相⁴¹害，汝今云何信受其語⁴²？』耆婆答言：『如來使入阿鼻地獄，所有猛火尚不能燒，況世間火？』爾時，耆婆前入火聚，猶入清涼大河水中，抱持是兒，還詣我所，授兒與我，我受兒已，告長者言：『一切眾生壽命不定，如水上泡。眾生若有重業果報，火不能燒，毒不能害。是兒業報，非我所作。』時，長者言：『善哉！世尊！是兒若得盡其天命，惟願如來為立名字。』佛言：『長者，是兒生於猛火之中，火名樹提，應名樹提。』爾時，會中見我神化，無量眾生發阿耨多羅三藐三菩提心。

「爾時，六師周遍六城不得停足，慚愧低頭，復來至此拘尸城⁴³。既至此已，唱如是言：『諸人當知，沙門瞿曇是大幻師，誑惑天下遍六大城。譬如幻師幻作四兵，所謂車兵、馬兵、象兵、步兵。又復幻作種種瓔珞、城郭、宮宅、河池、樹木。沙門瞿曇亦復如是，幻作王身，為說法故，或作沙門、婆羅門身、男身、女身、小身、大身，

⁴⁰ 大正藏：瞿曇沙門；永樂北藏及龍藏：沙門瞿曇

⁴¹ 大正藏：燒

⁴² 大正藏：言

⁴³ 大正藏：拘尸那城；永樂北藏及龍藏：拘尸城

或作畜生、鬼、神之身，或說無常，或說有常，或時說苦，或復⁴⁴說樂，或說有我，或說無我，或說有淨，或說無淨，或時說有，或時說無，所為虛妄，故名為幻。譬如因子隨子得果，瞿曇沙門亦復如是，摩耶所生，母既是幻，子不得非？沙門瞿曇無實知見，諸婆羅門經年積歲修習苦行，護持禁戒，尚言未有真實知見，何況瞿曇年少學淺，不修苦行，云何而有真實知見？若能具滿六⁴⁵年苦行，見猶不多，況所修習不滿六年？愚人無智，信受其教。如大幻師誑惑愚者，沙門瞿曇亦復如是。』善男子，如是六師於此城中大為眾生增長邪見。

「善男子，我見是事心生憐憫，以其神力請召十方諸大菩薩，雲集此林，周匝⁴⁶彌滿四十由旬，今於此中大師子吼。善男子，雖於空處多有所說，則不得名師子吼也；於此智人大眾之中，真得名為大師子吼。師子吼者，說一切法悉無常、苦、無我、不淨，唯說如來常、樂、我、淨。

「爾時，六師復作是言：『若瞿曇有我，我亦有我。所言我者，見者名我。瞿曇，譬如有人，

⁴⁴ 大正藏：時

⁴⁵ 大正藏：七

⁴⁶ 大正藏：遍

向中見物，我亦如是，向喻於眼，見者喻我。』

「佛告六師：『若言見者名我，是義不然。何以故？汝所引喻因向見者，人在一向，六根俱用。若定有我因眼見者，何不如彼一根之中俱伺諸塵？若一根中不能一時聞見六塵，當知無我。所引向喻，雖經百年，見者因之，所見無異。眼根若爾，年邁根熟亦應無異。人向異故，見內見外。眼根若爾，亦應內外一時俱見。若不見者，云何有我？』

「六師復言：『瞿曇，若無我者，誰能見耶？』

「佛言：『有色、有明、有心、有眼，是四和合故名為見，是中實無見者、受者，眾生顛倒，言有見者及以受者，以是義故，一切眾生所見顛倒，諸佛菩薩所見真實。六師，若言色是我者，是亦不然。何以故？色實非我。色若是我，不應而得醜陋形貌，何故復有四姓差別？不悉一種婆羅門耶？何故屬他，不得自在，諸根缺陋，生不具足？何故不作諸天之身，而受地獄、畜生、餓鬼種種諸身？若不能得隨意作者，當知必定無有我也。以無我故名為無常，無常故苦，以苦故空⁴⁷，空故顛倒，以顛倒故，一切眾生輪轉生死，

⁴⁷ 大正藏：苦故為空；永樂北藏及龍藏：以苦故空

受、想、行、識亦復如是。六師，如來世尊永斷色縛乃至識縛，是故名為常、樂、我、淨。復次，色者即是因緣，若因緣者則名無我，無⁴⁸我者名為苦空。如來之身非是因緣，非因緣故則名有我，有⁴⁹我者即常、樂、淨。』

「六師言⁵⁰：『瞿曇，色亦非我，乃至識亦非我。我者，遍一切處猶如虛空。』

「佛言：『若遍有者，則不應言我初不見。若初不見，則知是見本無今有；若本無今有，是名無常；若無常者，云何言遍？若遍有者，五道之中應具有身；若有身者，應各受報；若各受報，云何而言轉受人天？汝言遍者，一耶？多耶？我若一者，則無父子、怨親中人；我若多者，一切眾生所有五根悉應平等，所有業慧亦應如是；若如是者，云何說言根有具足、不具足者？善業、惡業、愚智差別？』

「『瞿曇，眾生我者，無有邊際。法與非法則有分劑⁵¹。眾生修法則得好身，若行非法則得惡身。以是義故，眾生業果不得無差。』

「佛言：『六師，法與非法若如是者，我則

⁴⁸ 大正藏：若無；永樂北藏及龍藏：無

⁴⁹ 大正藏：若有；永樂北藏及龍藏：有

⁵⁰ 大正藏：復言；永樂北藏及龍藏：言

⁵¹ 大正藏：齊

不遍。我若遍者，則應悉到。如其到者，修善之人亦應有惡，行惡之人亦應有善。若不爾者，云何言遍？』

「『瞿曇，譬如一室，然百千燈，各各自明，不相妨闔⁵²。眾生我者，亦復如是，修善行惡，不相雜合。』

「『汝等若言我如燈者，是義不然。何以故？彼燈之明從緣而有，燈增長故，明亦增長，眾生我者則不如是。明從燈出，住在異處，眾生我者不得如是從身而出，住在異處。彼燈光明與闇共住，何以故？如闇室中然一燈時，照則不了，乃⁵³至多燈，乃得明了。若初燈破闇，則不須後燈；若須後燈，當知初明與闇共住。』

「『瞿曇，若無我者，誰作善惡？』

「佛言：『若我作者，云何名常？如其常者，云何而得有時作善？有時作惡？若言有時作善、惡者，云何復得言我無邊？若我作者，何故而復習行惡法？如其我是作者、知者，何故生疑眾生無我？以是義故，外道法中定無有我。若言我者，則是如來。何以故？身無邊故、無疑網故。不作

⁵² 大正藏：礙

⁵³ 大正藏：及

不受故名為常，不生不滅故名為樂，無煩惱垢故名為淨，無有十相故名為空。是故，如來常、樂、我、淨，空無諸相。』

「諸外道言：『若言如來常、樂、我、淨，無相故空，當知瞿曇所說之法則非空也。是故，我今⁵⁴頂戴受持。』爾時，外道其數無量，於佛法中信心出家。

「善男子，以是因緣故，我於此娑羅雙樹大師子吼。師子吼者，名大涅槃。

「善男子，東方雙者破於無常獲得於常，乃至北方雙者破於不淨而得於淨。善男子，此中眾生為雙樹故護娑羅林，不令外人取其枝葉，斫截破壞。我亦如是，為四法故，令諸弟子護持佛法。何等為四？常、樂、我、淨。此四雙樹四王典掌，我為四王，護持我法，是故於中而般涅槃。

「善男子，娑羅雙樹華果常茂，常能利益無量眾生；我亦如是，常能利益聲聞、緣覺。華者，喻我；果者，喻樂。以是義故，我於此間娑羅雙樹入大寂定。大寂定者，名大涅槃。」

師子吼⁵⁵言：「世尊！如來何故二月涅槃？」

⁵⁴ 大正藏：今當；永樂北藏及龍藏：今

⁵⁵ 大正藏：師子吼；永樂北藏及龍藏：修師子吼；校勘：師子吼

「善男子，二月名春。春陽之月，萬物生長，種植根栽，華果莠⁵⁶榮，江河盈滿，百獸孚乳。是時，眾生多生常想，為破眾生如是常心，說一切法悉是無常，唯說如來常住不變。

「善男子，於六時中，孟冬枯悴，眾不愛樂；陽春和液，人所貪愛。為破眾生世間樂故，演說常樂。我淨亦爾，如來為破世我世淨，故說如來真實我淨。言二月者，喻於如來二種法身；冬不樂者，智者不樂如來無⁵⁷常、入於涅槃；二月樂者，喻於智者愛樂如來常、樂、我、淨；種植者，喻諸眾生聞法歡喜，便發⁵⁸阿耨多羅三藐三菩提心，種諸善根；河者，喻於十方諸大菩薩來詣我所，咨受如是大涅槃典；百獸孚乳者，喻我弟子生諸善根；華，喻七覺；果，喻四果。以是義故，我於二月入大涅槃。」

師子吼言：「如來初生、出家、成道、轉妙法輪，皆以八日，何故涅槃獨十五日？」

佛言：「善哉！善哉！善男子，如十五日，月無虧盈；諸佛如來亦復如是，入大涅槃，無有虧盈。以是義故，於十五日入般涅槃。」

⁵⁶ 大正藏：敷

⁵⁷ 大正藏：無；永樂北藏及龍藏：樂；校勘：無

⁵⁸ 大正藏：發

「善男子，如十五日月盛滿時，有十一事。何等十一？一、能破闇⁵⁹；二、令眾生見道非道；三、令眾生見道邪正；四、除鬱蒸得清涼樂；五、能破壞螢火高心；六、息一切賊盜之想；七、除眾生畏惡獸心；八、能開萎優鉢羅華；九、合蓮華；十、發行人進路之心；十一、令諸眾生樂受五欲，多獲快樂。善男子，如來滿月亦復如是：一⁶⁰、破壞無明大闇；二⁶¹、演說正道邪道；三⁶²、開示生死邪險⁶³、涅槃平正；四⁶⁴、令人遠離貪欲、瞋恚、癡熱；五⁶⁵、破壞外道無⁶⁶明；六⁶⁷、破壞煩惱結賊；七⁶⁸、除滅畏五蓋心；八⁶⁹、開萎眾生種善根心；九⁷⁰、覆蓋眾生五欲之心；十⁷¹、發起眾生進修趣向大涅槃行；十一⁷²、令諸眾生樂修解脫。以是義故，於十五日入大涅槃，而我真實不入涅槃。我弟子中愚癡惡人，定謂如來入於涅

⁵⁹ 大正藏：闇；永樂北藏：闇；龍藏：開；校勘：闇

⁶⁰ 大正藏：一者；永樂北藏及龍藏：一

⁶¹ 大正藏：二者；永樂北藏及龍藏：二

⁶² 大正藏：三者；永樂北藏及龍藏：三

⁶³ 大正藏：嶮

⁶⁴ 大正藏：四者；永樂北藏及龍藏：四

⁶⁵ 大正藏：五者；永樂北藏及龍藏：五

⁶⁶ 大正藏：光

⁶⁷ 大正藏：六者；永樂北藏及龍藏：六

⁶⁸ 大正藏：七者；永樂北藏及龍藏：七

⁶⁹ 大正藏：八者；永樂北藏及龍藏：八

⁷⁰ 大正藏：九者；永樂北藏及龍藏：九

⁷¹ 大正藏：十者；永樂北藏及龍藏：十

⁷² 大正藏：十一者；永樂北藏及龍藏：十一

槃。譬如母人，多有諸子，其母捨行至他國土，未還之頃，諸子各言：『我母已死。』而是母人實不死也。」

師子吼菩薩言：「世尊！何等比丘能莊嚴此娑羅雙樹？」

「善男子，若有比丘，受持讀誦十二部經，正其文句，通達深義，為人解說初、中、後善，為欲利益無量眾生演說梵行，如是比丘則能莊嚴娑羅雙樹。」

師子吼言：「世尊！如我解佛所說義者，阿難比丘即其人也。何以故？阿難比丘受持讀誦十二部經，為人開說正語正義，猶如瀉水置之異器，阿難比丘亦復如是，從佛所聞，如聞轉⁷³說。」

「善男子，若有比丘得淨天眼，見於十方三千大千世界所有，如觀掌中菴摩勒果，如是比丘亦能莊嚴娑羅雙樹。」

師子吼言：「世尊！若如是者，阿尼樓駄⁷⁴比丘即其人也。何以故？阿尼樓駄⁷⁵天眼見於三千大千世界所有，乃至中陰，悉能明了，無障閼⁷⁶故。」

⁷³ 大正藏：傳

⁷⁴ 大正藏：馱

⁷⁵ 大正藏：馱

⁷⁶ 大正藏：礙

「善男子，若有比丘，少欲知足，心常⁷⁷寂靜，勤行精進，念定慧解，如是比丘，則能莊嚴娑羅雙樹。」

師子吼言：「世尊！若如是者，迦葉比丘即其人也。何以故？迦葉比丘善修少欲知足等法。」

「善男子，若有比丘，為益眾生，不為利養，修習通達無諍三昧、聖行、空行，如是比丘則能莊嚴娑羅雙樹。」

師子吼言：「世尊！若如是者，須菩提比丘即其人也。何以故？須菩提者善修無諍、聖行、空行故。」

「善男子，若有比丘善修神通，一念之中能作種種神通變化，一心一定能作二果，所謂水、火，如是比丘則能莊嚴娑羅雙樹。」

師子吼言：「世尊！若如是者，目連比丘即其人也。何以故？目犍連者善修神通，無量變化故。」

「善男子，若有比丘，善修大智、利智、疾智⁷⁸、解脫智、甚深智、廣智、無邊智、無勝智、實智，具足成就如是慧根，於怨親中心無差別，

⁷⁷ 大正藏：樂

⁷⁸ 大正藏：莊嚴智；永樂北藏及龍藏：疾智

若聞如來涅槃無常心不⁷⁹憂感，若聞常住不入涅槃不生欣慶，如是比丘，則能莊嚴娑羅雙樹。」

師子吼言：「世尊！若如是者，舍利弗比丘即其人也。何以故？舍利弗者，善能成就具足如是大智慧故。」

「善男子，若有比丘，能說眾生悉有佛性，得金剛身，無有邊際，常、樂、我、淨，身心無⁸⁰閼，得八自在，如是比丘，則能莊嚴娑羅雙樹。」

師子吼言：「世尊！若如是者，惟有如來是其人也。何以故？如來之身金剛無邊，常、樂、我、淨，身心無⁸¹閼，具八自在故。世尊！唯有如來乃能莊嚴娑羅雙樹，如其無者則不端嚴。惟願大慈為莊嚴故，常住於此娑羅樹林。」

佛言：「善男子，一切諸法，性無住住，汝云何言，願如來住？善男子，凡言住者，名為色法，從因緣生，故名為住。因緣無處，故名無住住⁸²。如來已斷一切色縛，云何當言願如來住耶？受、想、行、識亦復如是。」

「善男子，住，名憍慢；以憍慢故，不得解脫；不得解脫故，名為住。誰有憍慢？從何處來？」

⁷⁹ 大正藏：無

⁸⁰ 大正藏：礙

⁸¹ 大正藏：礙

⁸² 大正藏：無住；永樂北藏及龍藏：無住住

是故得名為無住住。如來永斷一切憍慢，云何而言願如來住？住者，名有為法，如來已斷有為之法，是故不住；住者，名為空法⁸³，如來已斷如是空法，是故獲得常、樂、我、淨。云何而言願如來住？住者，名為二十五有，如來已斷二十五有，云何而言願如來住？住者，即是一切凡夫，諸聖無去、無來、無住，如來已斷去、來、住相，云何言住？

「夫無住者，名無邊身，身無邊故，云何而言惟願如來住娑羅林？若住此林，則是有邊身，若有邊則是無常，如來是常，云何言住？夫無住者，名曰虛空。如來之性同於虛空，云何言住？

「又，無住者名金剛三昧，金剛三昧壞一切住，金剛三昧即是如來，云何言住？

「又，無住者則名為幻，如來同幻，云何言住？

「又，無住者名無始終，如來之性無有始終，云何言住？

「又，無住者名無邊法界，無邊法界即是如來，云何言住？

「又，無住者名首楞嚴三昧，首楞嚴三昧知

⁸³ 大正藏：住名空法；永樂北藏及龍藏：住者名為空法

一切法而無所著，以無著故名首楞嚴，如來具足首楞嚴定，云何言住？

「又，無住者名處非處力，如來成就處非處力，云何言住？

「又，無住者名檀波羅蜜，檀波羅蜜若有住者，則不得至尸波羅蜜乃至般若波羅蜜，以是⁸⁴故，檀波羅蜜名為無住，如來乃至不住般若波羅蜜，云何願言如來常住娑羅樹林？

「又，無住者名修四念處，如來若住四念處者則不能得阿耨多羅三藐三菩提，名不住住。

「又，無住者名無邊眾生界，如來悉到一切眾生無邊界分，而無所住。

「又，無住者名無屋宅，無屋宅者名為無有，無有者名為無生，無生者名為無死，無死者名為無相，無相者名為無繫，無繫者名為無著，無著者名為無漏，無漏即善，善即無為，無為者即大涅槃常，大涅槃常者即我，我者即淨，淨者即樂，常、樂、我、淨即是如來。

「善男子，譬如虛空，不住東方、南西北方、四維上下；如來亦爾，不住東方、南西北方、四維上下。

⁸⁴ 大正藏：以是義；永樂北藏及龍藏：以是

「善男子，若有說言身、口、意惡得善果者，無有是處；身、口、意善得惡果者，亦無是處。若言凡夫得見佛性十住菩薩不得見者，亦無是處。一闍提輩、犯五逆罪、謗方等經、毀四重禁得阿耨多羅三藐三菩提者，亦無是處。六住菩薩煩惱因緣墮三惡道，亦無是處。菩薩摩訶薩以真女身得阿耨多羅三藐三菩提者，亦無是處。一闍提常、三寶無常，亦無是處。如來住於拘尸城⁸⁵，亦無是處。

「善男子，如來今於此拘尸城，入大三昧深禪定窟，眾不見故，名大涅槃。」

師子吼言：「如來何故入禪定窟？」

「善男子，為欲度脫諸眾生故，未種善根令得種故，已種善根得增長故，善果未熟令得熟故，為已熟者說趣阿耨多羅三藐三菩提故，輕賤善法者令生尊貴故，諸有放逸者令離放逸故，為與文殊師利等諸大香象共論議故，為欲教化樂讀誦者深愛禪定故，為以聖行梵行天行化眾生故，為觀不共深法藏故，為欲呵責放逸弟子故。如來常寂，猶尚樂定，況汝等輩煩惱未盡而生放逸？為欲呵責諸惡比丘受畜八種不淨之物及不少欲、不知足

⁸⁵ 大正藏：拘尸那城；永樂北藏及龍藏：拘尸城

故，為令眾生尊重所聞禪定法故，以是因緣入禪定窟。」

師子吼言：「世尊！無相定者名大涅槃，是故涅槃名為無相。以何因緣，名為無相？」

「善男子，無十相故。何等為十？所謂色相、聲相、香、味、觸相、生、住、壞相、男相、女相，是名十相。無如是相，故名無相。善男子，夫著相者，則能生癡，癡故生愛，愛故繫縛，繫縛故受生，生故有死，死故無常。不著相者，則不生癡，不生癡故則無有愛，無有愛故則無繫縛，無繫縛故則不受生，不受生故則無有死，無有死故則名為常。以是義故，涅槃名常。」

師子吼言：「世尊！何等比丘能斷十相？」

佛言：「善男子，若有比丘，時時修習三種相者，則斷十相。時時修習三昧定相，時時修習智慧之相，時時修習捨相，是名三相。」

師子吼言：「世尊！云何名為定、慧、捨相？定是三昧者，一切眾生皆有三昧，云何方言修習三昧？若心在一境則名三昧，若更餘緣則不名三昧。如其不定非一切智，非一切智云何名定？若以一行得三昧者，其餘諸行亦非三昧，若非三昧則非一切智，若非一切智，云何名三昧？慧、捨

二相亦復如是。」

佛言：「善男子，如汝所言：『緣於一境得名三昧，其餘諸緣不名三昧。』是義不然。何以故？如是餘緣亦一境故，行亦如是。」

「又，言眾生先有三昧不須修者，是亦不然。所以者何？言三昧者，名善三昧，一切眾生真實未有，云何而言不須修習？以住如是善三昧中觀一切法，名善慧相。不見三昧智慧異相，是名捨相。」

「復次，善男子，若取色相，不能觀色常、無常相，是名三昧；若能觀色常、無常相，是名慧相；三昧慧等觀一切法，是名捨相。」

「善男子，如善御駕駟，遲疾得所；遲疾得所，故名捨相。菩薩亦爾，若三昧多者則修習慧；若慧多者則修習三昧；三昧慧等，則名為捨。」

「善男子，十住菩薩智慧力多、三昧力少，是故不得明見佛性；聲聞、緣覺三昧力多、智慧力少，以是因緣不見佛性；諸佛世尊，定慧等故，明見佛性，了了無闕⁸⁶，如觀掌中菴摩勒果。見佛性者，名為捨相。」

「奢摩他者名為能滅，能滅一切煩惱結故。」

⁸⁶ 大正藏：礙

又，奢摩他者名曰能調，能調諸根惡不善故。又，奢摩他者名曰寂靜，能令三業成寂靜故。又，奢摩他者名曰遠離，能令眾生離五欲故。又，奢摩他者名曰能清，能清貪欲、瞋恚、愚癡三濁法故。以是義故，故名定相。

「毗婆舍那名為正見，亦名了見，名為能見，名曰遍見，名次第見，名別相見，是名為慧。

「憂畢叉者名曰平等，亦名不諍，又名不觀，亦名不行，是名為捨。

「善男子，奢摩他⁸⁷有二種：一⁸⁸、世間；二、出世間。

「復有二種：一⁸⁹、成就；二、不成就。成就者，所謂諸佛菩薩；不成就者，所謂聲聞、辟支佛等。

「復有三種：下⁹⁰、中、上。下者，謂諸凡夫；中者，聲聞、緣覺；上者，諸佛菩薩。

「復有四種：一、退；二、住；三、進；四、能大利益。

「復有五種：所謂五智三昧。何等為五？一、無食三昧；二、無過三昧；三、身意清淨一心三

⁸⁷ 大正藏：奢摩他者；永樂北藏及龍藏：奢摩他

⁸⁸ 大正藏：一者；永樂北藏及龍藏：一

⁸⁹ 大正藏：一者；永樂北藏及龍藏：一

⁹⁰ 大正藏：謂下；永樂北藏及龍藏：下

昧；四、因果俱樂三昧；五、常念三昧。

「復有六種：一、觀骨三昧；二、慈三昧；三、觀十二因緣三昧；四、阿那波⁹¹那三昧；五、念覺觀三昧；六、觀生滅三昧。

「復有七種，所謂七覺分：一、念覺分；二、擇法覺分；三、精進覺分；四、喜覺分；五、除覺分；六、定覺分；七、捨覺分。

「復有七種：一、須陀洹三昧；二、斯陀含三昧；三、阿那含三昧；四、阿羅漢三昧；五、辟支佛三昧；六、菩薩三昧；七、如來覺知三昧。

「復有八種，謂八解脫三昧：一、內有色相外觀⁹²色解脫三昧；二、內無色相外觀色解脫三昧；三、淨解脫身證三昧；四、空處解脫三昧；五、識處解脫三昧；六、無所有處解脫三昧；七、非有想非無想處解脫三昧；八、滅盡定解脫三昧。

「復有九種，所謂九次第定：四禪、四空及滅盡定三昧。

「復有十種，所謂十一切處三昧。何等十⁹³？一⁹⁴、地一切處三昧；二⁹⁵、水一切處三昧；三⁹⁶、

⁹¹ 大正藏：婆

⁹² 大正藏：內有色相外觀；永樂北藏及龍藏：色觀；校勘：內有色相外觀

⁹³ 大正藏：為十；永樂北藏及龍藏：十

⁹⁴ 大正藏：一者；永樂北藏及龍藏：一

⁹⁵ 大正藏：二者；永樂北藏及龍藏：二

⁹⁶ 大正藏：三者；永樂北藏及龍藏：三

風一切處三昧；四⁹⁷、青一切處三昧；五⁹⁸、黃一切處三昧；六⁹⁹、赤一切處三昧；七¹⁰⁰、白一切處三昧；八¹⁰¹、空一切處三昧；九¹⁰²、識一切處三昧；十¹⁰³、無所有一切處三昧。

「復有無數種，所謂諸佛菩薩。

「善男子，是名三昧相。

「善男子，慧有二種：一¹⁰⁴、世間；二、出世間。

「復有三種：一¹⁰⁵、般若；二¹⁰⁶、毗婆舍那；三¹⁰⁷、闍那。般若者，名一切眾生；毗婆舍那者，一切聖人；闍那者，諸佛菩薩。又，般若者，名為別相；毗婆舍那¹⁰⁸，名為總相；闍那者，名為破相。

「復有四種，所謂觀四真諦。

「善男子，為三事故，修奢摩他。何等三¹⁰⁹？

⁹⁷ 大正藏：四者；永樂北藏及龍藏：四

⁹⁸ 大正藏：五者；永樂北藏及龍藏：五

⁹⁹ 大正藏：六者；永樂北藏及龍藏：六

¹⁰⁰ 大正藏：七者；永樂北藏及龍藏：七

¹⁰¹ 大正藏：八者；永樂北藏及龍藏：八

¹⁰² 大正藏：九者；永樂北藏及龍藏：九

¹⁰³ 大正藏：十者；永樂北藏及龍藏：十

¹⁰⁴ 大正藏：一者；永樂北藏及龍藏：一

¹⁰⁵ 大正藏：一者；永樂北藏及龍藏：一

¹⁰⁶ 大正藏：二者；永樂北藏及龍藏：二

¹⁰⁷ 大正藏：三者；永樂北藏及龍藏：三

¹⁰⁸ 大正藏：毗婆舍那者；永樂北藏及龍藏：毗婆舍那

¹⁰⁹ 大正藏：何等為三；永樂北藏及龍藏：何等三

一¹¹⁰、不放逸故；二¹¹¹、莊嚴大智故；三¹¹²、得自在故。

「復次，為三事故，修毗婆舍那。何等為三？

一¹¹³、為觀生死惡果報故；二¹¹⁴、為欲增長諸善根故；三者、為破一切諸煩惱故。」

大般涅槃經卷第二十八

¹¹⁰ 大正藏：一者；永樂北藏及龍藏：一

¹¹¹ 大正藏：二者；永樂北藏及龍藏：二

¹¹² 大正藏：三者；永樂北藏及龍藏：三

¹¹³ 大正藏：一者；永樂北藏及龍藏：一

¹¹⁴ 大正藏：二者；永樂北藏及龍藏：二

大般涅槃經卷第二十九

北涼天竺三藏曇無讖譯 梵

宋沙門慧嚴慧觀同謝靈運再治

師子吼菩薩品第二十三之五¹¹⁵

師子吼言：「世尊！如經中說，若毗婆舍那能破煩惱，何故復修奢摩他耶？」

佛言：「善男子，汝言毗婆舍那破煩惱者，是義不然。何以故？有智慧時則無煩惱，有煩惱時則無智慧。云何而言毗婆舍那能破煩惱？善男子，譬如明時無闇，闇時無明。若有說言明能破闇，無有是處。善男子，誰有智慧？誰有煩惱？而言智慧能破煩惱，如其無者，則無所破。

「善男子，若言智慧能破煩惱，為到故破？不到故破？若不到破者，凡夫眾生則應能破。若到故破者，初念應破；若初念不破，後亦不破；若初到便破，是則不到，云何說言智慧能破？若言到與不到而能破者，是義不然。

「復次，毗婆舍那破煩惱者，為獨能破？為伴故破？若獨能破，菩薩何故修八正道？若伴故

¹¹⁵ 大正藏：師子吼菩薩品之五

破，當知獨則不能破也；若獨不能，伴亦不能。如一盲人不能見色，雖伴眾盲亦不能見；毗婆舍那亦復如是。

「善男子，如地堅性、火熱性、水濕性、風動性，而地堅性，乃至風動性，非因緣作，其性自爾。如四大性，煩惱亦爾，性自是斷。若是斷者，云何而言智慧能斷？以是義故，毗婆舍那決定不能破諸煩惱。

「善男子，如鹽性鹹，令異物鹹；蜜本性甘，令異物甘；水本性濕，令異物濕。智慧性滅，令法¹¹⁶滅者，是義不然。何以故？若法無滅，云何智慧強能令滅？若言鹽鹹令異物鹹，慧滅亦爾，令¹¹⁷異法滅者，是亦不然。何以故？智慧之性念念滅故。若念念滅，云何而言能滅他法？以是義故，智慧之性不破煩惱。

「善男子，一切諸法有二種滅：一¹¹⁸、性滅；二¹¹⁹、畢竟滅。若性滅者，云何而言智慧能滅？若言智慧能滅煩惱，如火燒物，是義不然。何以故？如火燒物則有遺燼；智慧若爾，應有餘燼。如斧伐樹，破處可見；智慧若爾，有何可見？慧

¹¹⁶ 大正藏：異法；永樂北藏及龍藏：法

¹¹⁷ 大正藏：能令；永樂北藏及龍藏：令

¹¹⁸ 大正藏：一者；永樂北藏及龍藏：一

¹¹⁹ 大正藏：二者；永樂北藏及龍藏：二

若能令煩惱離者，如是煩惱應餘處現，如諸外道離六大城，拘尸城現。若是煩惱不餘處現，則知智慧不能令離。

「善男子，一切諸法性若自空，誰能令生？誰能令滅？生異滅異，無造作者。善男子，若修習定，則得如是正智正見。以是義故，我經中說：『若有比丘修習定者，能見五陰出¹²⁰滅之相。』善男子，若不修定，世間之事尚不能了，況於出世？若無定者，平處顛墜，心緣異法，口宣異言，耳聞異聲，心解異義，欲造異字，手書異文，欲行異路，身涉異徑。若有修習三昧定者，則大利益，乃至阿耨多羅三藐三菩提。

「善男子，菩薩摩訶薩具足二法能大利益：一、定；二、智。善男子，如刈菅草，執急則斷；菩薩摩訶薩修是二法亦復如是。善男子，如拔堅木，先以手動，後則易出；菩薩定、慧亦復如是，先以定動，後以智拔。善男子，如澣¹²¹垢衣，先以灰汁，後以清水，衣則鮮潔；菩薩定、慧亦復如是。善男子，如先讀誦，後則解義；菩薩定、慧亦復如是。善男子，譬如勇人，先以鎧仗牢自

¹²⁰ 大正藏：生

¹²¹ 大正藏：浣

莊嚴，然後禦¹²²陣，能壞怨賊；菩薩定、慧亦復如是。善男子，譬如工¹²³匠，甘鬲¹²⁴盛金，自在隨意撓攪鎔銷¹²⁵；菩薩定、慧亦復如是。善男子，譬如明鏡，照了面像；菩薩定、慧亦復如是。善男子，如先平地，然後下種，先從師受，後思惟義；菩薩定、慧亦復如是。以是義故，菩薩摩訶薩修是二法能大利益。

「善男子，菩薩摩訶薩修是二法，調攝五根，堪忍眾苦，所謂飢、渴、寒、熱、打擲、罵辱、惡獸所嚙、蟲虻所螫，常攝其心，不令放逸，不為利養行於非法，客塵煩惱所不能污，不為諸邪異見所惑，常能遠離諸惡覺觀，不久成就阿耨多羅三藐三菩提，為欲成就利益¹²⁶眾生故。

「善男子，菩薩摩訶薩修是二法，四倒暴風不能吹動，如須彌山雖為四風之所吹鼓，不能令動；不為外道邪師所拔，如帝釋幢不可移轉；眾邪異術不能誑惑，常受微妙第一安樂，能解如來深祕密義，受樂不欣，逢苦不感¹²⁷，諸天世人恭敬讚歎，明見生死及非生死，善能了知法界法性，

¹²² 大正藏：御

¹²³ 大正藏：巧

¹²⁴ 大正藏：鉗鍋；永樂北藏及龍藏：甘鬲

¹²⁵ 大正藏：托攪融消；永樂北藏及龍藏：撓攪鎔銷

¹²⁶ 大正藏：利；永樂北藏及龍藏：利益

¹²⁷ 大正藏：戚

身有常、樂、我、淨之法，是則名為大涅槃樂。

「善男子，定相者，名空三昧；慧相者，名無願三昧；捨相者，名無相三昧。善男子，若有菩薩摩訶薩善知定時、慧時、捨時及知非時，是名菩薩¹²⁸行菩提道。」

師子吼言：「世尊！云何菩薩知時非時？」

「善男子，菩薩摩訶薩因於受樂生大憍慢，或因說法而生憍慢，或因精勤而生憍慢，或因解義善問答時而生憍慢，或因親近惡知識故而生憍慢，或因布施所重之物而生憍慢，或因世間善法功德而生憍慢，或因世間豪貴之人所恭敬故而生憍慢，當知爾時不宜修智，宜應修定，是名菩薩知時非時。

「若有菩薩勤修精進，未得利益涅槃之樂，以不得故生於悔心，以鈍根故不能調伏五情諸根，諸垢煩惱勢力盛故自疑戒律，有羸損故，當知爾時不宜修定，宜應修智，是名菩薩知時非時。

「善男子，若有菩薩定、慧二法不平等者，當知爾時不宜修捨；二法若等，則宜修之，是名菩薩知時非時。

「善男子，若有菩薩修習定、慧起煩惱者，

¹²⁸ 大正藏：菩薩摩訶薩；永樂北藏及龍藏：菩薩

當知爾時不宜修捨，宜應讀誦、書寫、解說十二部經，念佛、念法、念僧、念戒、念天、念捨，是名修捨。

「善男子，若有菩薩修習如是三法相者，以是因緣得無相涅槃。」

師子吼言：「世尊！無十相故，名大涅槃。為無相者，復以何緣名為無生、無出、無作、屋宅、洲、歸、安隱、滅度、涅槃、寂靜、無諸病苦、無所有耶？」

佛言：「善男子，無因緣故，故名無生；以無為故，故名無出；無造業故，故名無作；不入五見，故名屋宅；離四暴¹²⁹水，故名為洲；調眾生故，故名歸依；壞結賊故，故名安隱；諸結火滅，故名滅度；離覺觀故，故名涅槃；遠憤鬧故，名為¹³⁰寂靜；永斷必死，故名無病；一切無故，名無所有。善男子，若菩薩¹³¹作是觀時，即得明了見於佛性。」

師子吼言：「世尊！菩薩摩訶薩成就幾法，能見如是無相涅槃至無所有？」

佛言：「善男子，菩薩摩訶薩成就十法，則

¹²⁹ 大正藏：瀑

¹³⁰ 大正藏：曰

¹³¹ 大正藏：菩薩摩訶薩；永樂北藏及龍藏：菩薩

能明見涅槃無相至無所有。何等為十？一¹³²，信心具足。云何名為信心具足？深信佛、法、眾僧是常，十方諸佛方便示現，一切眾生及一闍提悉有佛性，不信如來生、老、病、死及修苦行、提婆達多真實破僧出佛身血、如來畢竟入於涅槃、正法滅盡，是名菩薩信心具足。

「二¹³³，淨戒具足。云何名為淨戒具足？善男子，若有菩薩自言戒淨，雖不與彼女人和合，見女人時，或共嘲調、言語、戲笑，如是菩薩成就欲法，毀破淨戒，污辱梵行，令戒雜穢，不得名為淨戒具足。復有菩薩自言戒淨，雖不與彼女人身合、嘲調、戲笑，於壁障外，遙聞女人瓔珞、環釧種種諸聲，心生愛著，如是菩薩成就欲法，毀破淨戒，污辱梵行，令戒雜穢，不得名為淨戒具足。復有菩薩自言戒淨，雖復不與女人和合、言語、嘲調、聽其音聲，然見男子隨逐女時，或見女人隨逐男時，便生貪著，如是菩薩成就欲法，毀破淨戒，污辱梵行，令戒雜穢，不得名為淨戒具足。復有菩薩自言戒淨，雖復不與女人和合、言語、嘲調、聽其音聲、見男女相隨，然為生天

¹³² 大正藏：一者；永樂北藏及龍藏：一

¹³³ 大正藏：一者；永樂北藏及龍藏：一

受五欲樂，如是菩薩成就欲法，毀破淨戒，污辱梵行，令戒雜穢，不得名為淨戒具足。善男子，若有菩薩清淨持戒，而不為戒、不為尸¹³⁴波羅蜜、不為眾生、不為利養、不為菩提、不為涅槃、不為聲聞辟支佛，惟¹³⁵為最上第一義故護持禁戒，善男子，是名菩薩淨戒具足。

「三者，親近諸善知識。善知識者，若有能說信、戒、多聞、布施、智慧，令人受行，是名菩薩善知識也。

「四者，樂於寂靜。寂靜者，所謂身心寂靜。觀察諸法甚深法界，是名寂靜。

「五者，精進。精進者，所謂繫心觀四聖¹³⁶諦，設頭火然，終不放捨，是名精進。

「六者，念具足。念具足者，所謂念佛、念法、念僧、念戒、念天、念捨，是名念具足。

「七者，軟語。軟語者，所謂實語、妙語、先意問訊、時語、真語，是名軟語。

「八者，護法。護法者，所謂受¹³⁷樂正法，常樂演說、讀誦、書寫、思惟其義、廣宣敷揚，令其流布。若見有人書寫、解說、讀誦、讚歎、

¹³⁴ 大正藏：尸羅；永樂北藏及龍藏：尸

¹³⁵ 大正藏：唯

¹³⁶ 大正藏：正

¹³⁷ 大正藏：愛

思惟義者，為求資生而供養之，所謂衣服、飲食、卧具、醫藥。為護法故，不惜身命。是名護法。

「九者，菩薩¹³⁸見有同學、同戒有所乏少，轉從他乞，熏鉢染衣、瞻病所須、衣服飲食、卧具房舍而供給之。

「十者，具足智慧。智慧者，所謂觀於如來常、樂、我、淨，一切眾生悉有佛性，觀法二相，所謂空、不空，常、無常，樂、無樂，我、無我，淨、不淨，異法可斷、異法不可斷，異法從緣生、異法從緣見、異法從緣果、異法非緣果，是名具足智慧。

「善男子，是名菩薩具足十法則¹³⁹能明見涅槃無相。」

師子吼言：「世尊！如佛先告純陀：『汝今已得見於佛性，得大涅槃，成¹⁴⁰阿耨多羅三藐三菩提。』是義云何？」

「世尊！如佛經¹⁴¹中說，若施畜生，得百倍報；施一闍提，得千倍報；施持戒者，百千倍報；若施外道斷煩惱者，得無量報；施四道向及以四果至辟支佛，得無量報；施不退菩薩及最後身諸

¹³⁸ 大正藏：菩薩摩訶薩；永樂北藏及龍藏：菩薩

¹³⁹ 大正藏：即

¹⁴⁰ 大正藏：成就；永樂北藏及龍藏：成

¹⁴¹ 大正藏：經；永樂北藏及龍藏：佛經

大菩薩、如來世尊，所得福報無量無邊，不可稱計，不可思議。純陀大士若受如是無量報者，是報無盡，何時當得阿耨多羅三藐三菩提？

「世尊！經中復說若人重心造善惡業必得果報，若現世受、若次生受、若後世受。純陀善業重心作故，當知是業必定受報。若定受報，云何得成阿耨多羅三藐三菩提？云何復得見於佛性？

「世尊！經中復說施三種人果報無盡：一¹⁴²、病人；二¹⁴³、父母；三¹⁴⁴、如來。世尊！經中復說：佛告阿難：『一切眾生如其無有欲界業者，即得阿耨多羅三藐三菩提；色、無色業亦復如是。』世尊！如法句偈：『非空非海中，非入山石間，無有地方所，脫之不受業。』又，阿尼樓駄¹⁴⁵言：『世尊！我憶往昔，以一食施，八萬劫中，不墮三惡。』世尊！一食之施尚得是報，何況純陀信心施佛，具足成就檀波羅蜜？

「世尊！若善果報不可盡者，謗方等經、犯五逆罪、毀四重禁、一闡提罪，云何可盡？若不可盡，云何能得見於佛性、成阿耨多羅三藐三菩

¹⁴² 大正藏：一者；永樂北藏及龍藏：一

¹⁴³ 大正藏：二者；永樂北藏及龍藏：二

¹⁴⁴ 大正藏：三者；永樂北藏及龍藏：三

¹⁴⁵ 大正藏：駄

提？」

佛言：「善哉！善哉！善男子，唯有二人能得無量無邊功德，不可稱計，不可宣說，能竭生死漂流暴¹⁴⁶河，降魔怨敵，摧魔勝幢，能轉如來無上法輪：一者，善問；二者，善答。

「善男子，佛十力中，業力最深。善男子，有諸眾生，於業緣中，心輕不信，為度彼故，作如是說。

「善男子，一切作業有輕、有重。輕、重二業復各有二：一¹⁴⁷、決定；二、不決定。善男子，或有人言：『惡業無果，若言惡業定有果者，云何氣噓旃陀羅而得生天？鴛崛魔羅¹⁴⁸得解脫果？以是義故，當知作業有定得果、不定得果。』我為除斷如是邪見故，於經中說如是語：『一切作業，無不得果。』善男子，或有重業可得作輕，或有輕業可得作重，非一切人，唯有愚、智，是故當知，非一切業悉定得果，雖不定得，亦非不得。

「善男子，一切眾生凡有二種：一¹⁴⁹、智人；

¹⁴⁶ 大正藏：瀑

¹⁴⁷ 大正藏：一者；永樂北藏及龍藏：一

¹⁴⁸ 大正藏：鴛掘摩羅；永樂北藏及龍藏：鴛崛魔羅

¹⁴⁹ 大正藏：一者；永樂北藏及龍藏：一

二¹⁵⁰、愚人。有智之人，以智慧力，能令地獄極重之業，現世輕受；愚癡之人，現世輕業，地獄重受。」

師子吼言：「世尊！若如是者，則不應求清淨梵行及解脫果。」

佛言：「善男子，若一切業定得果者，則不應求梵行解脫；以不定故，則修梵行及解脫果。善男子，若能遠離一切惡業則得善果，若遠善業則得惡果。若一切業定得果者，則不應求修習聖道；若不修道，則無解脫。一切聖人所以修道，為壞定業得輕報故，不定之業無果報故。若一切業定得果者，則不應求修習聖道。若人遠離修習聖道得解脫者，無有是處；不得解脫得涅槃者，亦無是處。」

「善男子，若一切業定得果者，一世所作純善之業，應當永已，常受安樂；一世所作極重惡業，亦應永已，受大苦惱。業果若爾，則無修道、解脫、涅槃。人作人受，婆羅門作婆羅門受，若如是者，則不應有下姓下有，人應常人，婆羅門應常婆羅門。小時作業應小時受，不應中年及老時受；老時作惡生地獄中，地獄初身不應便受，

¹⁵⁰ 大正藏：二者；永樂北藏及龍藏：二

應待老時然後乃受。若老時不殺，不應壯年得壽；若無壯壽，云何至老？業無失故。業若無失，云何而有修道、涅槃？

「善男子，業有二種：定以不定。定業有二：一¹⁵¹、報定；二¹⁵²、時定。或有報定而時不定，緣合則受。或三時受，所謂現受、生受、後受。

「善男子，若定心作善惡等業，作已深生信心歡喜，若發誓願供養三寶，是名定業。

「善男子，智者善根深固難動，是故能令重業為輕；愚癡之人不善深厚，能令輕業而作重報。以是義故，一切諸業不名決定。菩薩摩訶薩無地獄業，為眾生故，發大誓願生地獄中。

「善男子，往昔眾生壽百年時，恒沙眾生受地獄報。我見是已，即發大願受地獄身。菩薩爾時實無是業，為眾生故，受地獄果。我於爾時在地獄中，經無量歲為諸罪人廣開分別十二部經。諸人聞已，壞惡果報，令地獄空，除一闍提。是名菩薩摩訶薩非現、生、後受是惡業。

「復次，善男子，是賢劫中，無量眾生墮畜生中，受惡業果。我見是已，復發誓願，為欲說

¹⁵¹ 大正藏：一者；永樂北藏及龍藏：一

¹⁵² 大正藏：二者；永樂北藏及龍藏：二

法度眾生故，或作麀、鹿、羆、鴿、獼猴、龍、蛇、金翅、魚、鼈、狐、兔、牛、馬之身。善男子，菩薩摩訶薩實無如是畜生惡業，以大願力為眾生故，現受是身，是名菩薩摩訶薩非現、生、後受是惡業。

「復次，善男子，是賢劫中，復有無量無邊眾生，生餓鬼中，或食吐汁、脂、肉、膿、血、屎、尿、涕、唾，壽命無量百千萬歲，初不曾聞漿水之名，況復眼見而得飲耶¹⁵³？設遙見水，生意往趣，到則變成猛火、膿血。或時不變，則有多人手執矛稍¹⁵⁴，遮護捉持，不令得前。或夏¹⁵⁵降雨，至身成火。是名惡業果報。善男子，菩薩摩訶薩實無如是諸惡業果，為化眾生令得解脫故，發誓願受如是身，是名菩薩摩訶薩非現、生、後受是惡業。

「善男子，我於賢劫生屠膾家，畜養鷄、猪、牛、羊，搥獵、羅網、漁捕，旃陀羅舍作賊劫盜。菩薩實無如是惡業，為度眾生令得解脫，以大願力受如是身，是名菩薩摩訶薩非現、生、後受是惡業。

¹⁵³ 大正藏：也

¹⁵⁴ 大正藏：槩

¹⁵⁵ 大正藏：天

「善男子，是賢劫中，復生邊地，多作貪欲、瞋恚、愚癡，習行非法，不信三寶後世果報，不能恭敬父母親老、耆舊長宿。善男子，菩薩爾時實無是業，為令眾生得解脫故，以大願力而生其中，是名菩薩摩訶薩非現、生、後受是惡業。」

「善男子，是賢劫中，復受女身、惡身、貪身、瞋身、癡身、妬身、慳身、幻¹⁵⁶身、誑身、纏蓋之身。善男子，菩薩爾時亦無是業，但為眾生得解脫故，以大願力願生其中，是名菩薩摩訶薩非現、生、後受是惡業。」

「善男子，我於賢劫受黃門身，無根、二根及不定根。善男子，菩薩摩訶薩實無如是諸惡身業，為令眾生得解脫故，以大願力願生其中，是名菩薩摩訶薩非現、生、後受是惡業。」

「善男子，我於賢劫復習外道尼乾子法，信受其法，無施、無祠、無施祠報、無善惡業、無善惡報、無現在世及未來世、無此無彼、無有聖人、無變化身、無道涅槃。善男子，菩薩實無如是惡業，但為眾生令得解脫，以大願力受是邪法，是名菩薩摩訶薩非現、生、後受是惡業。」

「善男子，我念往昔，與提婆達多俱為商主，

¹⁵⁶ 大正藏：幼

各各自有五百賈人，為利益故，至大海中采¹⁵⁷取珍寶。惡業緣故，路遇暴風，吹壞¹⁵⁸船舫，伴黨死盡。爾時，我及¹⁵⁹提婆達多不殺果報長壽緣故，為風所吹，俱至陸地。時，提婆達多貪惜寶貨，生大憂苦，發聲啼哭。我時語言：『提婆達多，不須啼泣¹⁶⁰。』提婆達多即語我言：『諦聽！諦聽！譬如有人，貧窮困苦，至塚墓間，手捉死尸，而作是言：「願汝今者施我死樂，我當施汝貧窮壽命。」爾時，死尸即便起坐，語貧人言：「善男子，貧窮壽命汝自受之，我今甚¹⁶¹樂如是死樂，實不欣汝貧窮而生。」然我今日，既無死樂，兼復貧窮，云何而得不啼哭耶？』我復慰喻：『汝且莫愁，今有二珠，價直無量¹⁶²，當分一枚，以相惠施。』我即分與，復語之言：『有命之人，能得此寶。如其無命，誰能得耶？』我時疲弊，詣一樹下，止息眠卧。提婆達多貪心熾盛，為餘一珠即生惡心，刺壞我目，劫奪我珠。我時患瘡，發聲呻號，時有一女，來至我所，而問我言：『仁者何故呻號如是？』我即為其廣說本事。女人聞已，

¹⁵⁷ 大正藏：採

¹⁵⁸ 大正藏：破

¹⁵⁹ 大正藏：與

¹⁶⁰ 大正藏：哭

¹⁶¹ 大正藏：甚；永樂北藏：甚；龍藏：其；校勘：甚

¹⁶² 大正藏：數

復重問我：『汝名字何？』我即答言：『名為實語。』女言：『云何知汝為實語耶？』我即立誓：『若我今於提婆達多有惡心者，目當如是，永為盲瞎；如其無者，當還得眼。』言已，其目平復如故。

「善男子，是名菩薩摩訶薩說現世報。

「善男子，我念往昔，生南天竺富單那城婆羅門家。是時有王，名迦羅富，其性暴惡，憍慢自大，年壯色美，耽著五欲。我於爾時，為度眾生，在彼城外，寂默禪思。爾時，彼王春末¹⁶³華敷，與其眷屬、宮人、采¹⁶⁴女出城游¹⁶⁵觀，在樹林下五欲自娛。其諸采¹⁶⁶女，捨王游¹⁶⁷戲，遂至我所。我時欲為斷彼貪故，而為說法。時王尋來，即見我時，便生惡心，而問我言：『汝今已得羅漢果耶？』我言：『不得。』復言：『獲得不還果耶？』我言：『不得。』復作是言：『汝今若未得是二果，則為具足貪欲煩惱。云何自恣觀我女人？』我即答言：『大王當知，我今雖未斷貪欲結，然其內心實無貪著。』王言：『癡人！世有諸仙，服氣食果，見色猶貪，況汝盛年，未斷貪欲，

¹⁶³ 大正藏：木

¹⁶⁴ 大正藏：姝

¹⁶⁵ 大正藏：遊

¹⁶⁶ 大正藏：姝

¹⁶⁷ 大正藏：遊

云何見色而當不著？』我言：『大王！見色不著實不因於服氣食果，皆由繫心無常不淨。』王言：『若有輕他而生誹謗，云何得名修治¹⁶⁸淨戒？』我言：『大王！若有妬心，則有誹謗。我無妬心，云何言謗？』王言：『大德！云何名戒？』『大王！忍名為戒。』王言：『若忍是戒者，當截汝耳，若能忍者，知汝持戒。』即截其耳。時我被截，顏容¹⁶⁹不變。

「時王群臣，見是事已，即諫王言：『如是大士，不應加害。』王告諸臣：『汝等云何知是大士？』諸臣答言：『見受苦時，容色不變。』王復語言：『我當更試，知變不變。』即劓其鼻，刖其手足。爾時，菩薩已於無量無邊世中，修習慈悲，憫苦眾生；時，四天王心懷瞋忿，雨沙礫石。王見是已，心大怖畏，復至我所，長跪而言：『惟願哀憫，聽我懺悔。』我言：『大王！我心無瞋，亦如無貪。』王言：『大德！云何得知心無瞋恨？』我即立誓：『我若真實無瞋恨者，令我此身平復如故。』發是願已，身即平復。

「是名菩薩摩訶薩說現世報。」

¹⁶⁸ 大正藏：持

¹⁶⁹ 大正藏：色

「善男子，善業生報、後報，及不善業，亦復如是。菩薩摩訶薩得阿耨多羅三藐三菩提時，一切諸業悉得現報。

「不善惡業得現報者，如王作惡，天降惡雨。亦如有人，示獵師羆處及寶色鹿，其手墮落，是名惡業現受果報。生報者，如一闍提、犯四重禁及五逆罪。後報者，如持戒人，深發誓願：『願未來世，常得如是淨戒之身。若有眾生壽百年時、八十年時，於中當作轉輪聖王，教化眾生。』

「善男子，若業定得現世報者，則不能得生報、後報。菩薩摩訶薩修三十二大人相業，則不能得現世報也。若業不得三種報者，是名不定。

「善男子，若言諸業定得報者，則不得有修習梵行、解脫、涅槃。當知是人非我弟子，是魔眷屬。若言諸業有定、不定，定者，現報、生報、後報；不定者，緣合則受，不合不受。以是義故，應有梵行、解脫、涅槃。當知是人真我弟子，非魔眷屬。

「善男子，一切眾生不定業多，決定業少。以是義故，有修習道。修習道故，決定重業可使輕受，不定之業非生報受。

「善男子，有二種人：一¹⁷⁰、不定作定報，現報作生報，輕報作重報，應人中受在地獄受；二¹⁷¹、定作不定，應生受者迴為現受，重報作輕，應地獄受人中輕受。如是二人，一、愚；二、智，智者為輕，愚者令重。

「善男子，譬如二人，於王有罪，眷屬多者，其罪則輕；眷屬少者，應輕更重。愚、智之人，亦復如是，智者善業多故，重則輕受；愚者善業少故，輕則重受。

「善男子，譬如二人，一人¹⁷²肥壯；一人¹⁷³羸瘦，俱沒深泥，肥壯能出，羸者則沒。

「善男子，譬如二人，俱共服毒，一有呪力及阿伽陀；一者無有。有呪藥者，毒不能傷；無呪藥者，服時即死。

「善男子，譬如二人，俱多飲漿，一火勢盛，一則微弱。火勢多者，則能消化；火勢弱者，則為其患。

「善男子，譬如二人，為王所繫，一有智慧，一則愚癡。其有智者，則能得脫；愚癡之人，無有脫期。

¹⁷⁰ 大正藏：一者；永樂北藏及龍藏：一

¹⁷¹ 大正藏：二者；永樂北藏及龍藏：二

¹⁷² 大正藏：則

¹⁷³ 大正藏：則

「善男子，譬如二人，俱涉險路，一則有目，一則盲瞽。有目之人，直過無患；盲者墜落，墮深坑險。

「善男子，譬如二人，俱共飲酒，一則多食¹⁷⁴，一則少食¹⁷⁵。其多食¹⁷⁶者，飲則無苦¹⁷⁷；其少食¹⁷⁸者，飲則成患。

「善男子，譬如二人，俱敵怨陣，一則鎧仗具足莊嚴，一則白¹⁷⁹身。其有仗者，能破怨敵；其白¹⁸⁰身者，不能自免¹⁸¹。

「復有二人，糞穢污衣，一覺尋澣¹⁸²，一覺不澣¹⁸³。其尋澣¹⁸⁴者，衣則淨潔；其不澣¹⁸⁵者，垢穢日增。

「復有二人，俱共乘車，一有副¹⁸⁶軸，一無副¹⁸⁷軸。有副¹⁸⁸軸者，隨意而去；無副¹⁸⁹軸者，則不移處。

¹⁷⁴ 大正藏：飲

¹⁷⁵ 大正藏：飲

¹⁷⁶ 大正藏：飲

¹⁷⁷ 大正藏：患

¹⁷⁸ 大正藏：飲

¹⁷⁹ 大正藏：自

¹⁸⁰ 大正藏：自

¹⁸¹ 大正藏：勉

¹⁸² 大正藏：浣

¹⁸³ 大正藏：浣

¹⁸⁴ 大正藏：浣

¹⁸⁵ 大正藏：浣

¹⁸⁶ 大正藏：輻

¹⁸⁷ 大正藏：輻

¹⁸⁸ 大正藏：輻

¹⁸⁹ 大正藏：輻

「復有二人，俱行曠路，一有資糧，一無資糧¹⁹⁰。有資糧者，則得度險；其空往者，則不能過。

「復有二人，為賊所劫，一有寶藏，一則無藏。有寶藏者，心無憂感¹⁹¹；其無藏者，心則愁惱。愚、智之人，亦復如是，有善藏者，重業輕受；無善藏者，輕業重受。」

師子吼菩薩言：「世尊！如佛所說，非一切業悉得定果，亦非一切眾生定受。世尊！云何眾生令現輕報地獄重受、地獄重報現世輕受？」

佛言：「一切眾生凡有二種：一¹⁹²、有智；二¹⁹³、愚癡。若能修習身、戒、心、慧，是名智者；若不能修身、戒、心、慧，是名愚癡。

「云何名為不修¹⁹⁴身？若不能攝五情諸根，名不修身；不能受持七種淨戒，名不修戒；不調心故，名不修心；不修聖行，名不修慧。

「復次，不修身者，不能具足清淨戒體；不修戒者，受畜八種不淨之物；不修心者，不能修習三種相故；不修慧者，不修梵行故。

¹⁹⁰ 大正藏：則空往，；永樂北藏及龍藏：無資糧

¹⁹¹ 大正藏：戚

¹⁹² 大正藏：一者；永樂北藏及龍藏：一

¹⁹³ 大正藏：二者；永樂北藏及龍藏：二

¹⁹⁴ 大正藏：修習；永樂北藏及龍藏：修

「復次，不修身者，不能觀身，不能觀色及觀色相，不觀身相，不知身數，不知是身從此到彼，於非身中而生身相，於非色中而作色相，是故貪著我身、身數，名不修身。不修戒者，若受下戒，不名修戒。受持邊戒，為自利戒，為自調戒，不能普為安樂眾生，非為護持無上正法，為生天上受五欲樂，不名修戒。不修心者，若心散亂，不能專一守自境界，自境界者，謂四念處；他境界者，謂五欲也¹⁹⁵。若不能修四念處者，名不修心。於惡業中不善護心，名不修慧。

「復次，不修身者，不能深觀是身無常、無住、危脆、念念滅壞、是魔境界；不修戒者，不能具足尸波羅蜜；不修心者，不能具足禪波羅蜜；不修慧者，不能具足般若波羅蜜。

「復次，不修身者，貪著我身及我所身，我身常恒，無有變易；不修戒者，為自身故作十惡業；不修心者，於惡業中不能攝心；不修慧者，以不攝心，不能分別善、惡等法。

「復次，不修身者，不斷我見；不修戒者，不斷戒取；不修心者，作貪瞋業，趣向地獄；不修慧者，不斷癡心。

¹⁹⁵ 大正藏：所謂五欲；永樂北藏及龍藏：謂五欲也

「復次，不修身者，不能觀身，雖無過咎，而常是怨。善男子，譬如男子，有怨常逐，伺求其便。智者覺已，繫心慎護，若不慎護，則為所害。一切眾生，身亦如是，常以飲食冷暖¹⁹⁶將養，若不如是將護守慎，即當散壞。

「善男子，如婆羅門奉事火天，常以香華、讚歎、禮拜、供養，承事期滿百年，若一觸時，尋燒人手。是火雖得如是供養，終無一念報事者恩。一切眾生，身亦如是，雖於多年以好香華、瓔珞、衣服、飲食、卧具、病瘦醫藥而供給之，若遇內外諸惡因緣，即時滅壞，都不憶念往日供養¹⁹⁷衣食之恩。

「善男子，譬如有王，畜四毒蛇，置之一篋，以付一人，仰令瞻養。『是四蛇中，設一生瞋，則能害人。』是人恐怖，常求飲食，隨時守護。一切眾生四大毒蛇，亦復如是，若一大瞋，則能壞身。

「善男子，如人久病，應當至心求醫療治。若不勤救，必死不疑。一切眾生，身亦如是，常應攝心，不令放逸，若放逸者，則¹⁹⁸便滅壞。

¹⁹⁶ 大正藏：煖

¹⁹⁷ 大正藏：給

¹⁹⁸ 大正藏：即

「善男子，譬如坏瓶，不耐風雨、打擲、堆¹⁹⁹壓。一切眾生，身亦如是，不耐飢、渴、寒、熱、風、雨、打擊²⁰⁰、惡罵。

「善男子，如癰未熟，常當善護，不令人觸，設有觸者，則²⁰¹大苦痛；一切眾生，身亦如是。

「善男子，如騾懷妊，自害其軀；一切眾生，身亦如是，內有風冷，身則²⁰²受害²⁰³。

「善男子，譬如芭蕉，生實則枯；一切眾生，身亦如是。

「善男子，亦如芭蕉，內無堅實；一切眾生，身亦如是。

「善男子，如蛇、鼠、狼，各各相於常生怨心；眾生四大，亦復如是。

「善男子，譬如鵝王，不樂塚墓；菩薩亦爾，於身塚墓，亦不貪樂。

「善男子，如旃陀羅，七世相繼不捨其業，是故為人之所輕賤。是身種子亦復如是，種子精血究竟不淨，以不淨故，諸佛菩薩之所訶責²⁰⁴。

「善男子，是身不如摩羅耶山生於梅檀，亦

¹⁹⁹ 大正藏：搥

²⁰⁰ 大正藏：繫

²⁰¹ 大正藏：即

²⁰² 大正藏：即

²⁰³ 大正藏：苦

²⁰⁴ 大正藏：輕呵；永樂北藏及龍藏：訶責

不能生優鉢羅華、芬陀利華、瞻婆華、摩利迦華、婆師迦華，九孔常漏²⁰⁵膿血不淨，生處臭穢，醜陋可惡，常與諸虫共在一處。善男子，譬如世間雖有上妙清淨園林，死尸至中，則為不淨，眾共捨之，不生愛著；色界亦爾，雖復淨妙，以有身故，諸佛菩薩悉共捨之。善男子，若有不能作如是觀，不名²⁰⁶修身。

「不修戒者，善男子，若不能觀戒是一切善法梯陞²⁰⁷，亦是一切善法根本，如地悉是一切樹木所生之本；是諸善根之最導首²⁰⁸，如彼商主導諸²⁰⁹商人；戒是一切善法勝幢，如天帝釋所立勝幢。戒能永斷一切惡業及三惡道，能療惡病猶如藥樹。戒是生死險道資糧，戒是摧結惡²¹⁰賊鎧仗，戒是滅結毒蛇良呪，戒是度惡業行橋梁。若有不能如是觀者，名不修戒。

「不修心者，不能觀心輕躁動轉，難捉難調，馳騁奔逸如大惡象，念念迅速如彼電光，躁擾不住猶如獼猴，如幻如焰²¹¹，乃是一切諸惡根本，

²⁰⁵ 大正藏：流

²⁰⁶ 大正藏：名不；永樂北藏及龍藏：不名

²⁰⁷ 大正藏：橙

²⁰⁸ 大正藏：導首也；永樂北藏及龍藏：最導首

²⁰⁹ 大正藏：眾

²¹⁰ 大正藏：破

²¹¹ 大正藏：炎

五欲難滿如火獲薪，亦如大海吞受眾²¹²流，如漫²¹³陀山草木滋多。不能觀察生死虛妄，耽惑致患，如魚吞鈎，常先引導諸業隨從，猶如貝母引導諸子。貪著五欲，不樂涅槃，如駝食蜜，乃至於死，不顧芻草。深著現樂，不觀後過，如牛貪苗，不懼杖楚。馳騁周遍二十五有，猶如疾風吹兜羅茸²¹⁴。所不應求，求無厭足，如無智²¹⁵人求無熱火。常樂生死，不樂解脫，如絰婆虫樂絰婆樹。迷惑愛著生死臭穢，猶如獄囚樂獄卒女，亦如廁猪樂處不淨。若有不能如是觀者，名不修心。

「不修慧者，不觀智慧有大勢力，如金翅鳥；能壞惡業，壞無明闇，猶如日光；能拔陰樹，如水漂物；焚燒邪見，猶如猛火。慧是一切善法根本，佛菩薩母之種子也。若有不能如是觀者，不名修慧。

「善男子，第一義中，若見身、身相、身因、身果、身聚、身一、身二、此身、彼身、身滅、身等、身修、修者，若有如是見者，名不修身。

「善男子，若見戒、戒相、戒因、戒果、戒

²¹² 大正藏：諸

²¹³ 大正藏：曼

²¹⁴ 大正藏：蕁

²¹⁵ 大正藏：知

上²¹⁶、戒下²¹⁷、戒聚、戒一、戒二、此戒、彼戒、戒滅、戒等、戒修、修者、戒波羅蜜，若有如是見者，名不修戒。

「若見心、心相、心因、心果、心聚、心及心數、心一、心二、此心、彼心、心滅、心等、心修、修者、上中下心、善心、惡心，若有如是見者，名不修心。

「善男子，若見慧、慧相、慧因、慧果、慧聚、慧一、慧二、此慧、彼慧、慧滅、慧等、上中下慧、鈍慧、利慧、慧修、修者，若有如是見者，名不修慧。

「善男子，若有不修身、戒、心、慧，如是之人，於小惡業得大惡報。以恐怖故，常生是念：『我屬地獄，作地獄行。』雖聞智者說地獄苦，常作是念：『如鐵打鐵，石還打石，木自打木，火虫樂火，地獄之身還似地獄。若似地獄，有何苦事？』譬如蒼蠅為唾所黏²¹⁸，不能自²¹⁹出。是人亦爾，於小罪中不能自出，心初無悔，不能修善，覆藏瑕疵，雖有過去一切善業，悉為是罪之所垢污，是人所有現受輕報，轉為地獄極重惡果。

²¹⁶ 大正藏：上戒；永樂北藏及龍藏：戒上

²¹⁷ 大正藏：下戒；永樂北藏及龍藏：戒下

²¹⁸ 大正藏：粘

²¹⁹ 大正藏：得

「善男子，如小器水置鹽一升，其味鹹苦，難可得飲；是人罪業，亦復如是。善男子，譬如有人，負他一錢，不能償故，身被繫縛，多受眾苦；是人罪業，亦復如是。」

師子吼菩薩言：「世尊！是人何故令現輕報轉地獄受？」

佛言：「善男子，一切眾生，若具五事，令現輕報轉地獄受。何等為五？一²²⁰、愚癡故；二²²¹、善根微少故；三²²²、惡業深重故；四²²³、不懺悔故；五²²⁴、不修本善業故。復有五事：一²²⁵、修習惡業故；二²²⁶、無戒財故；三²²⁷、遠離善根²²⁸故；四²²⁹、不修身、戒、心、慧故；五²³⁰、親近惡知識故。善男子，是故能令現世輕報地獄重受。」

師子吼言：「世尊！何等人能轉地獄報現世輕受？」

「善男子，若有修習身、戒、心、慧，如上

²²⁰ 大正藏：一者；永樂北藏及龍藏：一

²²¹ 大正藏：二者；永樂北藏及龍藏：二

²²² 大正藏：三者；永樂北藏及龍藏：三

²²³ 大正藏：四者；永樂北藏及龍藏：四

²²⁴ 大正藏：五者；永樂北藏及龍藏：五

²²⁵ 大正藏：一者；永樂北藏及龍藏：一

²²⁶ 大正藏：二者；永樂北藏及龍藏：二

²²⁷ 大正藏：三者；永樂北藏及龍藏：三

²²⁸ 大正藏：諸善根；永樂北藏及龍藏：善根

²²⁹ 大正藏：四者；永樂北藏及龍藏：四

²³⁰ 大正藏：五者；永樂北藏及龍藏：五

²³¹所說，能觀諸法同如虛空，不見智慧，不見智者，不見愚癡，不見愚者，不見修習及修習者，是名智者。如是之人則能修習身、戒、心、慧，是人能令地獄果報現世輕受。是人設作極重惡業，思惟觀察，能令輕微，作是念言：『我業雖重，不如善業。』譬如疊華，雖復百斤，終不能敵真金一兩。如恒河中投一升鹽，水無鹹味，飲者不覺。如巨富者雖多負人，千萬寶物無能繫縛，令其受苦。如大香象，能壞鐵鎖，自在而去。智慧之人，亦復如是，常思惟言：『我善力多，惡業羸弱。我能發露、懺悔、除惡，能修智慧。智慧力多，無明力少。』如是念已，親近善友，修習正見，受持、讀誦、書寫、解說十二部經。見有受持、讀誦、書寫、解說之者，心生恭敬，兼以衣、食、房舍、卧具、病藥、華香而供養之，讚歎尊重。所至到處，稱說其善，不說其短。供養三寶，敬信方等大涅槃經，如來常恒，無有變易，一切眾生悉有佛性。是人能令地獄重報現世輕受。

「善男子，以是義故，非一切業悉有定果，亦非一切眾生定受。」

大般涅槃經卷第二十九

²³¹ 大正藏：先

大般涅槃經卷第三十

北涼天竺三藏曇無讖譯 梵

宋沙門慧嚴慧觀同謝靈運再治

師子吼菩薩品第二十三之六²³²

師子吼菩薩言：「世尊！若一切業不定得果、一切眾生悉有佛性、應當修習八聖道者，何因緣故一切眾生悉不得是大般涅槃？世尊！若一切眾生有佛性者，即當定得阿耨多羅三藐三菩提，何須修習八聖道耶？」

「世尊！如此經中說，有病人若得醫藥及瞻病人、隨病飲食，若使不得，皆悉除差。一切眾生亦復如是，若遇聲聞及辟支佛、諸佛菩薩、諸善知識，若聞說法，修習聖道，若不遇、不聞、不修習道，悉當得成阿耨多羅三藐三菩提。何以故？以佛性故。世尊！譬如日月，無有能遮，令不得至須多山邊；四大河水不至大海；一闍提等不至地獄；一切眾生亦復如是，無有能遮，令不得至阿耨多羅三藐三菩提。何以故？以佛性故。」

²³² 大正藏：師子吼菩薩品之六

世尊！以是義故，一切眾生不修習²³³道，以佛性力故，應得阿耨多羅三藐三菩提，不以修習聖道力故。

「世尊！若一闡提、犯四重禁、五逆罪等，不得阿耨多羅三藐三菩提者，應須修習，以因佛性定當得故，非因修習然後得也。世尊！譬如磁石，去鐵雖遠，以其力故，鐵則隨著；眾生佛性亦復如是。是故，不須勤修習道。」

佛言：「善哉！善哉！善男子，如恒河邊有七種人，若為洗浴、恐怖²³⁴寇賊，或為采²³⁵華，則入河中。第一人者，入水則沒。何以故？羸無勢力，不習浮故。第二人者，雖沒還出，出已復沒。何以故？身力大故，則能還出；不習浮故，出已還沒。第三人者，沒已即出，出更不沒。何以故？身重故沒，力大故出，先習浮故，出已即住。第四人者，入已便沒，沒已還出，出已即住遍觀四方。何以故？重故則沒，力大故還出，習浮則住，不知出處，故觀四方。第五人者，入已即沒，沒已還出，出已即住，住已觀方，觀已即去。何以故？為怖畏故。第六人者，入已即去，

²³³ 大正藏：須修；永樂北藏及龍藏：修習

²³⁴ 大正藏：畏

²³⁵ 大正藏：採

淺處即²³⁶住。何以故？觀賊近遠故。第七人者，既至彼岸，登上大山，無復恐怖，離諸怨賊，受大快樂。

「善男子，生死大河亦復如是，有七種人。畏煩惱賊故，發意欲度²³⁷生死大河，出家剃髮，身披²³⁸法服。既出家已，親近惡友，隨順其教，聽受邪法，所謂眾生身者即是五陰，五陰者即名五大，眾生若死，永斷²³⁷五大，斷²³⁷五大故，何須修習善惡諸業？是故當知無有善惡及善惡報，如是則名一闡提也。一闡提者，名斷善根；斷善根故，沒生死河不能得出。何以故？惡業重故，無信力故，如恒河邊第一人也。

「善男子，一闡提輩有六因緣沒三惡道，不能得出。何等為六？一²³⁹、惡心熾盛故；二²⁴⁰、不見後世故；三²⁴¹、樂習煩惱故；四²⁴²、遠離善根故；五²⁴³、惡業障隔故；六²⁴⁴、親近惡知識故。

「復有五事沒三惡道。何等為五？一²⁴⁵、於

²³⁶ 大正藏：則

²³⁷ 大正藏：渡（後同）

²³⁸ 大正藏：被

²³⁹ 大正藏：一者；永樂北藏及龍藏：一

²⁴⁰ 大正藏：二者；永樂北藏及龍藏：二

²⁴¹ 大正藏：三者；永樂北藏及龍藏：三

²⁴² 大正藏：四者；永樂北藏及龍藏：四

²⁴³ 大正藏：五者；永樂北藏及龍藏：五

²⁴⁴ 大正藏：六者；永樂北藏及龍藏：六

²⁴⁵ 大正藏：一者；永樂北藏及龍藏：一

比丘邊作非法故；二²⁴⁶、比丘尼邊作非法故；三²⁴⁷、自在用僧鬘²⁴⁸物故；四²⁴⁹、母邊作非法故；五²⁵⁰、於五部僧互生是非故。

「復有五事沒三惡道。何等為五？一²⁵¹、常說無善惡果故；二²⁵²、殺發菩提心眾生故；三²⁵³、憊說法師過失故；四²⁵⁴、法說非法，非法說法故；五²⁵⁵、為求法過而聽受故。

「復有三事沒三惡道。何等為三？一、謂如來無常永滅；二、謂正法無常遷變；三、謂僧寶可破²⁵⁶壞故。是故常沒三惡道中。

「第二人者，發意欲度生死大河，斷善根故，沒不能出。所言出者，親近善友則得信心。信心者，信施、施果，信善、善果，信惡、惡果，信生死苦、無常、壞敗²⁵⁷，是名為信。已²⁵⁸得信心，修習淨戒，受持讀誦，書寫解說，常行惠施，善修智慧。以鈍根故，復遇惡友，不能修習身、戒、

²⁴⁶ 大正藏：二者；永樂北藏及龍藏：二

²⁴⁷ 大正藏：三者；永樂北藏及龍藏：三

²⁴⁸ 大正藏：祇

²⁴⁹ 大正藏：四者；永樂北藏及龍藏：四

²⁵⁰ 大正藏：五者；永樂北藏及龍藏：五

²⁵¹ 大正藏：一者；永樂北藏及龍藏：一

²⁵² 大正藏：二者；永樂北藏及龍藏：二

²⁵³ 大正藏：三者；永樂北藏及龍藏：三

²⁵⁴ 大正藏：四者；永樂北藏及龍藏：四

²⁵⁵ 大正藏：五者；永樂北藏及龍藏：五

²⁵⁶ 大正藏：滅

²⁵⁷ 大正藏：敗壞；永樂北藏及龍藏：壞敗

²⁵⁸ 大正藏：以

心、慧，聽受邪法。或值惡時，處惡國土，斷諸善根；斷善根故，常沒生死，如恒河邊第二人也。

「第三人者，發意欲度生死大河，斷善根故，於中沈沒。親近善友，得名為出。信於如來是一切智，常恒無變，為眾生故，說無上道；一切眾生悉有佛性；如來非滅，法、僧亦爾，無有滅壞；一闍提等不斷其法，終不²⁵⁹得阿耨多羅三藐三菩提，要當遠離，然後乃得。以信心故，修習淨戒；修淨戒已，受持、讀誦、書寫、解說十二部經，為諸眾生廣宣流布。樂於惠施，修習智慧，以利根故，堅住信慧，心無退轉，如恒河邊第三人也。

「第四人者，發意欲度生死大河，斷善根故，於中沈沒。親近善友，故得信心，是名為出。得信心故，受持、讀誦、書寫、解說十二部經。為眾生故，廣宣流布，樂於惠施，修習智慧。以利根故，堅住信慧，心無退轉，遍觀四方。四方者，四沙門果，如恒河邊第四人也。

「第五人者，發意欲度生死大河，斷善根故，於中沈沒。親近善友，故得信心，是名為出。以信心故，受持、讀誦、書寫、解說十二部經。為眾生故，廣宣流布，樂於惠施，修習智慧。以利

²⁵⁹ 大正藏：不能；永樂北藏及龍藏：不

根故，堅住信慧，心無退轉。無退轉已，即便前進。前進者，謂辟支佛，雖能自度，不及眾生，是名為出²⁶⁰，如恒河邊第五人也。

「第六人者，發意欲度生死大河，斷善根故，於中沈沒。親近善友，獲得信心，得信心故，名之為出。以信心故，受持、讀誦、書寫、解說十二部經。為眾生故，廣宣流布，樂於惠施，修習智慧。以利根故，堅住信慧，心無退轉。無退轉已，即復前進，遂到淺處。到淺處已，即住不去。住不去者，所謂菩薩，欲為²⁶¹度脫諸眾生故，住觀煩惱，如恒河邊第六人也。

「第七人者，發意欲度生死大河，斷善根故，於中沈沒。親近善友，獲得信心，得信心已，是名為出。以信心故，受持、讀誦、書寫、解說十二部經。為眾生故，廣宣流布，樂於惠施，修習智慧。以利根故，堅住信慧，心無退轉。無退轉已，即便前進。既前進已，得到彼岸，登大高山，離諸恐怖，多受安樂。善男子，彼岸山者，喻於如來；受安樂者，喻佛常住；大高山者，喻大涅槃。

²⁶⁰ 大正藏：去

²⁶¹ 大正藏：為欲；永樂北藏及龍藏：欲為

「善男子，是恒河邊如是諸人，悉具手足而不能度；一切眾生亦復如是，實有佛寶、法寶、僧寶，如來常說諸法要義有八聖道、大般涅槃，而諸眾生悉不能得。此非我咎，亦非聖道眾生等過，當知悉是煩惱過惡。以是義故，一切眾生不得涅槃。」

「善男子，譬如良醫，知病說藥，病者不服，非醫咎也。善男子，若²⁶²有施主以其所有施一切人，有不受者，非施主咎。善男子，譬如日出，幽冥皆明，盲瞽之人不見道路，非日過也。善男子，如恒河水能除渴乏，渴者不飲，非水咎也。善男子，譬如大地，普生果實，平等無二，農夫不種，非地過也。善男子，如來普為一切眾生廣開分別十二部經，眾生不受，非如來咎。」

「善男子，若修道者，即得阿耨多羅三藐三菩提。善男子，汝言『眾生悉有佛性，得²⁶³阿耨多羅三藐三菩提，如磁石。』者，善哉！善哉！以有佛性因緣力故，得阿耨多羅三藐三菩提。若言不須修聖道者，是義不然。」

「善男子，譬如有人，行於曠野，渴乏遇井，

²⁶² 大正藏：如

²⁶³ 大正藏：應得；永樂北藏及龍藏：得

其井極深，雖不見水，當知必有。是人方便求覓罐綆，汲取則見。佛性亦爾，一切眾生雖復有之，要須修習無漏聖道，然後得見。善男子，如有胡麻則得見油，離諸方便則不得見，甘蔗亦爾。

「善男子，如三十三天、北鬱單越，雖是有法，若無善業、神通、道力則不能見。地中草根及地下水，以地覆故，眾生不見。佛性亦爾，不修聖道，故不得見。

「善男子，如汝所說『世有病人，若遇瞻病、良醫、好藥、隨病飲食及以不遇悉得差』者，善男子，我為六住諸菩薩等說如是義。善男子，譬如虛空，於諸眾生非內非外，非內外故，亦無罣闔²⁶⁴；眾生佛性亦復如是。

「善男子，譬如有人，財在異方，雖不現前，隨意受用，有人問之，則言我許。何以故？以定有故。眾生佛性亦復如是，非此非彼，以定得故，言一切有。

「善男子，譬如眾生，造作諸業，若善若惡，非內非外，如是業性非有非無，亦復非是本無今有，非無因出，非此作此受、此作彼受、彼作彼受、無作無受，時節和合而得果報。眾生佛性亦

²⁶⁴ 大正藏：礙

復如是，亦復非是本無今有，非內非外，非有非無，非此非彼，非餘處來，非無因緣，亦非一切眾生不見，有諸菩薩時節因緣和合得見，時節者，所謂十住菩薩摩訶薩修八聖道，於諸眾生得平等心，爾時得見，不名為作。

「善男子，汝言如磁石者，是義不然。何以故？石不吸鐵。所以者何？無心業故。善男子，異法有故異法出生，異法無故異法滅壞，無有作者，無有壞者。善男子，猶如猛火不能焚薪，火出薪壞名為焚薪。善男子，譬如葵藿隨日而轉，而是葵藿亦無敬心，無識無業，異法性故而自迴轉。善男子，如芭蕉樹因雷增長，是樹無耳、無心意識。異法有故異法增長，異法無故異法滅壞。善男子，如阿叔迦樹，女人摩觸，華為之出。是樹無心，亦無覺觸，異法有故異法出生，異法無故，異法滅壞。善男子，如橘得屍，果則滋多，而是橘樹無心無觸，異法有故異法滋多，異法無故異法滅壞。善男子，如安石榴，塼骨糞故，果實繁茂，安²⁶⁵石榴樹亦無心觸，異法有故異法出生，異法無故異法滅壞。善男子，磁石吸鐵亦復如是，異法有故異法出生，異法無故異法滅壞。

²⁶⁵ 大正藏：安；永樂北藏及龍藏：如；校勘：安

眾生佛性亦復如是，不能吸得阿耨多羅三藐三菩提。

「善男子，無明不能吸取諸行，行亦不能吸取識也，亦得名為無明緣行、行緣於識，有佛無佛，法界常住。

「善男子，若言佛性住眾生中者，善男子，常法無住，若有住處即是無常。善男子，如十二因緣無定住處，若有住處，十二因緣不得名常。如來法身亦無住處，法界、法入、法陰、虛空悉無住處，佛性亦爾，都無住處。

「善男子，譬如四大，力雖均等，有堅、有熱、有濕、有動，有輕、有重²⁶⁶、有赤、有白、有黃、有黑，而是四大亦無有業，異法界故，各不相似。佛性亦爾，異法界故，時至則現。

「善男子，一切眾生不退佛性故名之為有，阿毗跋致故，以當有故，決定得故，定當見故，是故名為一切眾生悉有佛性。

「善男子，譬如有王告一大臣：『汝牽一象以示盲者。』爾時，大臣受王勅已，多集眾盲以象示之。時彼眾盲，各以手觸。大臣即還，而白

²⁶⁶ 大正藏：有重、有輕；永樂北藏及龍藏：有輕、有重

王言：『臣已示竟。』爾時，大王即呼²⁶⁷眾盲，各各問言：『汝見象耶？』眾盲各言：『我已得見。』王言：『象為何類？』其觸牙者，即言象形如萊菔根；其觸耳者，言象如箕；其觸頭者，言象如石；其觸鼻者，言象如杵；其觸脚者，言象如木臼；其觸脊者，言象如床；其觸腹者，言象如甕；其觸尾者，言象如繩。

「善男子，如彼眾盲，不說象體，亦非不說。若是眾相悉非象者，離是之外更無別象。善男子，王喻如來、應、正遍知，臣喻方等大涅槃經，象喻佛性，盲喻一切無明眾生。是諸眾生聞佛說已，或作是言：『色是佛性。何以故？是色雖滅，次第相續，是故獲得無上如來三十二相。如來色常，如來色者常不斷故，是故說色名為佛性。譬如真金，質雖遷變，色常不異。或時作釧、作釵²⁶⁸、作槃²⁶⁹，然其黃色初無改易。眾生佛性亦復如是，質雖無常而色是常，以是故說色為佛性。』

「或有說言：『受是佛性。何以故？受因緣故，獲得如來真實之樂。如來受者，謂畢竟受、第一義受。眾生受性雖復無常，然其次第相續不

²⁶⁷ 大正藏：喚

²⁶⁸ 大正藏：蛇

²⁶⁹ 大正藏：盤

斷，是故獲得如來常受。譬如有人，姓憍尸迦，人雖無常，而姓是常，經千萬世，無有改易。眾生佛性亦復如是，以是故說受為佛性。』

「又有說言：『想是佛性。何以故？想因緣故，獲得如來真實之想。如來想者，名無想想。無想想者，非眾生成想，非男女想，亦非色受想、行識想，非想斷想。眾生之想雖復無常，以想次第相續不斷故，得如來常恒之想。善男子，譬如眾生十二因緣，眾生雖滅而因緣常。眾生佛性亦復如是，以是故說想為佛性。』

「又有說言：『行為佛性。何以故？行名壽命，壽因緣故，獲得如來常住壽命。眾生壽命雖復無常，而壽次第相續不斷，故得如來真實常壽。善男子，譬如十二部經，聽者說者雖復無常，而是經典常存不變。眾生佛性亦復如是，以是故說行為佛性。』

「又有說言：『識為佛性。識因緣故，獲得如來平等之心。眾生意識雖復無常，而識次第相續不斷故，得如來真實常心。如火熱性，火雖無常，熱非無常。眾生佛性亦復如是，以是故說識為佛性。』

「又有說言：『離陰有我，我是佛性。何以

故？我因緣故，獲得如來八自在我。』有諸外道說言：『去、來、見、聞、悲、喜、語、說為我。』如是我相雖復無常，而如來我真實是常。善男子，如陰、入、界雖復無常而名是常，眾生佛性亦復如是。

「善男子，如彼盲人各各說象，雖不得實，非不說象。說佛性者亦復如是，非即六法，不離六法。善男子，是故，我說眾生佛性非色不離色，乃至非我不離我。

「善男子，有諸外道，雖說有我而實無我。眾生我者，即是五陰，離陰之外，更無別我。善男子，譬如莖、葉、須²⁷⁰、臺合為蓮華，離是之外，更無別華；眾生我者亦復如是。善男子，譬如牆壁草木和合名之為舍，離是之外，更無別舍；如佉陀羅樹、波羅奢樹、尼拘陀樹、鬱曇鉢樹和合為林，離是之外，更無別林；譬如車兵、象馬、步兵和合為軍，離是之外，更無別軍；譬如五色雜縵和合名之為綺，離是之外，更無別綺；如四姓和合名為大眾，離是之外，更無別眾；眾生我者亦復如是，離五陰外，更無別我。善男子，如

²⁷⁰ 大正藏：鬚

來常住則名為我，如來法身無邊無閼²⁷¹，不生不滅，得八自在，是名為我。眾生真實無如是我及以我所，但以畢²⁷²定當得畢竟第一義空故，名佛性。

「善男子，大慈大悲名為佛性。何以故？大慈大悲常隨菩薩，如影隨形。一切眾生畢定當得大慈大悲，是故說言一切眾生悉有佛性。大慈大悲者名為佛性，佛性者名為如來。

「大喜大捨名為佛性。何以故？菩薩摩訶薩若不能捨二十五有，則不能得阿耨多羅三藐三菩提。以諸眾生必當得故，是故說言一切眾生悉有佛性。大喜大捨者即是佛性，佛性者即是如來。

「佛性者名大信心。何以故？以信心故，菩薩摩訶薩則能具足檀波羅蜜乃至般若波羅蜜。一切眾生畢定當得大信心故，是故說言一切眾生悉有佛性。大信心者即是佛性，佛性者即是如來。

「佛性者名一子地。何以故？以一子地因緣故，菩薩則於一切眾生得平等心。一切眾生畢定當得一子地故，是故說言一切眾生悉有佛性。一子地者即是佛性，佛性者即是如來。

²⁷¹ 大正藏：礙（後同）

²⁷² 大正藏：必（後同）

「佛性者名第四力。何以故？以第四力因緣故，菩薩則能教化眾生。一切眾生畢定當得第四力故，是故說言一切眾生悉有佛性。第四力者即是佛性，佛性者即是如來。

「佛性者名十二因緣。何以故？以因緣故，如來常住。一切眾生定有如是十二因緣，是²⁷³故說言一切眾生悉有佛性。十二因緣即是佛性，佛性者即是如來。

「佛性者名四無閼智。以四無閼因緣故，說字義無閼；字義無閼故，能化眾生。四無閼者即是佛性，佛性者即是如來。

「佛性者名頂三昧。以修如是頂三昧故，則能總攝一切佛法，是故說言頂三昧者名為佛性。十住菩薩修是三昧未得具足，雖見佛性而不明了。一切眾生畢定得故，是故說言一切眾生悉有佛性。

「善男子，如上所說種種諸法，一切眾生定當得故，是故說言一切眾生悉有佛性。

「善男子，我若說色是佛性者，眾生聞已則生邪倒；以邪倒故，命終則生阿鼻地獄。如來說法為斷地獄，是故不說色是佛性，乃至說識亦復如是。

²⁷³ 大正藏：是；永樂北藏及龍藏：見；校勘：是

「善男子，若諸眾生了佛性者，則不須修道。十住菩薩修八聖道少見佛性，況不修者而得見耶？善男子，如文殊師利諸菩薩等，已無量世修習聖道，了知佛性。云何聲聞、辟支佛等能知佛性？若諸眾生欲得了了知佛性者，應當一心受持讀誦、書寫解說、供養恭敬、尊重讚歎是涅槃經，見有受持乃至讚歎如是經者，應當以好房舍、衣服、飲食、卧具、病瘦醫藥而供給之，兼復讚歎、禮拜、問訊。善男子，若有已於過去無量無邊世中，親近供養無量諸佛，深種善根，然後乃得聞是經名。

「善男子，佛性不可思議；佛、法、僧寶亦不可思議；一切眾生悉有佛性而不能知，是亦不可思議；如來常、樂、我、淨之法亦不可思議；一切眾生能信如是大涅槃經亦不可思議。」

師子吼菩薩言：「世尊！如佛所說一切眾生能信如是大涅槃經不可思議者，世尊！是大眾中，有八萬五千億人，於是經中不生信心，是故有能信是經者，名不可思議。」

「善男子，如是諸人，於未來世，亦當定得信是經典，見於佛性，得阿耨多羅三藐三菩提。」

師子吼言：「世尊！云何不退菩薩自知決定

有不退心？」

佛言：「善男子，菩薩摩訶薩常²⁷⁴以苦行自試其心，日食一胡麻，經一七日；粳米、綠²⁷⁵豆、麻子、粟床及以白豆亦復如是，各一七日。食一麻時，作是思惟：『如是苦行都無利益，無利益事尚能為之，況有利益而當不作？於無利益心能堪忍，不退不轉，是故定得阿耨多羅三藐三菩提。』如是等日修苦行時，一切皮肉消瘦皺減，如斷生瓠置之日中，其目却陷如井底星，肉盡肋出如朽草屋，脊骨連現如重縊搏²⁷⁶，所坐之處如馬蹄跡，欲坐則伏，欲起則偃。雖受如是無利益苦，然不退於菩提之心。

「復次，善男子，菩薩摩訶薩為破眾苦施安樂故，乃至能捨內外財物及其身命如棄芻草。若能不惜是身命者，如是菩薩自知必定有不退心：『我定當得阿耨多羅三藐三菩提。』」

「復次，菩薩為法因緣，剝身為燈，氈纏皮肉，酥²⁷⁷油灌之，燒以為炷。菩薩爾時受是大苦，自呵其心而作是言：『如是苦者，於地獄苦百千萬分猶未及一。汝於無量百千劫中，受大苦惱都

²⁷⁴ 大正藏：嘗

²⁷⁵ 大正藏：菴

²⁷⁶ 大正藏：線埵；永樂北藏及龍藏：縊搏

²⁷⁷ 大正藏：蘇

無利益。汝若不能受是輕苦，云何而能於地獄中救苦眾生？』菩薩摩訶薩作是觀時，身不覺苦，其心不退、不動、不轉。菩薩爾時應深自知：『我定當得阿耨多羅三藐三菩提。』

「善男子，菩薩爾時具足煩惱未有斷者，為法因緣，能以頭目、髓腦、手足、血肉施於眾生²⁷⁸，以釘釘身，投巖赴火。菩薩爾時，雖受如是無量眾苦，若心不退、不動、不轉，菩薩當知：『我今定有不退之心，當得阿耨多羅三藐三菩提。』」

「善男子，菩薩摩訶薩為破一切眾生苦惱，願作麤大畜生之身，以身血肉施於眾生。眾生取時，復生憐憫。菩薩爾時，閉氣不喘，示作死相，令彼取者，不生殺害疑網之想。菩薩雖受畜生之身，終不造作畜生之業。何以故？善男子，菩薩既得不退心已，終不造作三惡道業。菩薩摩訶薩若未來世有微塵等惡業果報不定受者，以大願力為眾生故而悉受之。譬如病人，為鬼所著，藏隱身中，以呪力故，即時相現，或語、或喜、或瞋、或罵、或啼、或笑²⁷⁹。菩薩摩訶薩未來之世，三

²⁷⁸ 大正藏：施人；永樂北藏及龍藏：施於眾生

²⁷⁹ 大正藏：哭

惡道業亦復如是。菩薩摩訶薩受羶²⁸⁰身時，常為眾生演說正法；或受迦賓闍羅鳥身，為諸眾生說正法故；受瞿陀身、鹿身、兔身、象身、羖羊、獼猴、白鴿、金翅鳥、龍、蛇之身，受如是等畜生身時，終不造作畜生惡業，常為其餘畜生眾生演說正法，令彼聞法速得轉離畜生身故。菩薩爾時雖受畜身，不作惡業，當知必定有不退心。

「菩薩摩訶薩於飢饉世見餓眾生，作龜魚身無量由旬，復作是願：『願諸眾生取我肉時，隨取隨生。因食我肉，離飢渴苦，一切悉發阿耨多羅三藐三菩提心。』菩薩發願：『若有因我離飢渴者，未來之世，速得遠離二十五有飢渴之患。』菩薩²⁸¹受如是苦心不退者，當知必定得阿耨多羅三藐三菩提。

「復次，菩薩於疾疫世見病苦者，作是思惟：『如藥樹王，若有病者，取根、取莖、取枝、取葉、取華、取果、取皮、取膚，悉得愈病。願我此身亦復如是，若有病者聞聲、觸身、服食血肉乃至骨髓，病悉除愈。願諸眾生食我肉時，不生惡心，如食子肉。我治病已，常為說法，願彼信

²⁸⁰ 大正藏：熊

²⁸¹ 大正藏：菩薩摩訶薩；永樂北藏及龍藏：菩薩

受，思惟轉教。』

「復次，善男子，菩薩具足煩惱，雖受身苦，其心不退、不動、不轉，當知必定得不退心，成阿耨多羅三藐三菩提。

「復次，善男子，若有眾生為鬼所病，菩薩見已，即作是言：『願作鬼身、大身、健身、多眷屬身，使彼聞見，病得除愈。』菩薩²⁸²為眾生故勤修苦行，雖有煩惱，不污其心。

「復次，善男子，菩薩摩訶薩雖復修行六波羅蜜，亦復不求六度之果。修行無上六波羅蜜時，作是願言：『我今以此六波羅蜜施一切²⁸³眾生，一一眾生受我施已，悉令得成阿耨多羅三藐三菩提。我亦自為六波羅蜜勤修苦行，受諸苦惱。當受苦時，願我不退菩提之心。』善男子，菩薩²⁸⁴作是相²⁸⁵時，是名不退菩提之相。

「復次，善男子，菩薩摩訶薩不可思議。何以故？菩薩摩訶薩深知生死多諸罪過，觀大涅槃有大功德，為諸眾生處在生死，受種種苦，心無退轉，是名菩薩不可思議。

「復次，善男子，菩薩摩訶薩無有因緣而生

²⁸² 大正藏：菩薩摩訶薩；永樂北藏及龍藏：菩薩

²⁸³ 大正藏：一

²⁸⁴ 大正藏：菩薩摩訶薩；永樂北藏及龍藏：菩薩

²⁸⁵ 大正藏：願

憐憫，實不受恩而常施恩，雖施於恩而不求報，是故復名不可思議。

「復次，善男子，或有眾生為自利益修諸苦行，菩薩摩訶薩為利益²⁸⁶他故修行苦行，是名自利，是故復名不可思議。

「復次，菩薩具足煩惱，為壞怨親所受諸苦修平等心，是故復名不可思議。

「復次，菩薩若見諸惡不善眾生，若呵責、若軟語、若驅擯、若縱捨，有惡性者現為軟語，有憍慢者現為大慢，而其內心實無憍慢，是名菩薩方便不可思議。

「復次，菩薩具足煩惱，少財物時，來求者多，心不迕少²⁸⁷，是名菩薩不可思議。

「復次，菩薩於佛出時知佛功德，為眾生故，於無佛處受邊地身，如盲、如聾、如跛、如臂²⁸⁸，是名菩薩不可思議。

「復次，菩薩深知眾生所有罪過，為度脫故，常與共行，雖隨其意，罪垢不污，是故復名不可思議。

「復次，菩薩了了知見無眾生相、無煩惱污、

²⁸⁶ 大正藏：利；永樂北藏及龍藏：利益

²⁸⁷ 大正藏：小

²⁸⁸ 大正藏：癡

無修習道、離煩惱者，雖為菩提無菩提行，亦無成就菩提行者，無有受苦及破苦者，而亦能為眾生壞苦行菩提行，是故復名不可思議。

「復次，菩薩受後邊身處兜率天，是亦名為不可思議。何以故？兜率陀天欲界中勝，在下天者，其心放逸；在上天者，諸根闇鈍，是故名勝。修施、修戒得上下身，修施、戒、定得兜率身。一切菩薩毀訾²⁸⁹諸有，破壞諸有，終不造作兜率天業，受彼天身。何以故？菩薩若處其餘諸有，亦能教化成就眾生，實無欲心而生欲界，是故復名不可思議。

「菩薩摩訶薩生兜率天有三事勝：一²⁹⁰、命；二²⁹¹、色；三²⁹²、名。菩薩摩訶薩實不求於命、色、名稱，雖無求心而所得勝。

「菩薩摩訶薩深樂涅槃，然有因亦勝，是故復名不可思議。

「菩薩摩訶薩如是三事雖勝諸天，而諸天等，於菩薩所，終不生於瞋心、妬心、憍慢之心，常生喜心。菩薩於天，亦不憍慢，是故復名不可思議。

²⁸⁹ 大正藏：訾

²⁹⁰ 大正藏：一者；永樂北藏及龍藏：一

²⁹¹ 大正藏：二者；永樂北藏及龍藏：二

²⁹² 大正藏：三者；永樂北藏及龍藏：三

「菩薩摩訶薩不造命業，而於彼天畢竟壽命，是名命勝。亦無色業，而妙色身光明遍滿，是名色勝。菩薩摩訶薩處彼天宮，不樂五欲，惟²⁹³為法事，是故名稱充滿十方，是名名勝。是故復名不可思議。

「菩薩摩訶薩下兜率天，是時大地六種震動，是故復名不可思議。何以故？菩薩下時，欲色諸天悉來侍送，發大音聲讚歎菩薩，以口風氣故令地動。復有菩薩人中象王，人中象王名為龍王，龍王初入胎時，有諸象²⁹⁴王在此地下或怖或恚²⁹⁵，是故大地六種震動。是故復名不可思議。

「菩薩摩訶薩知入胎時、住時、出時，知父知母，不淨不污，如帝釋髮青色寶珠，是故復名不可思議。

「善男子，大涅槃經亦復如是不可思議。善男子，譬如大海有八不思議。何等為八？一²⁹⁶、漸漸轉深；二²⁹⁷、深難得底；三²⁹⁸、同一鹹味；四²⁹⁹、潮不過限；五³⁰⁰、有種種寶藏；六³⁰¹、大

²⁹³ 大正藏：唯

²⁹⁴ 大正藏：龍

²⁹⁵ 大正藏：寤

²⁹⁶ 大正藏：一者；永樂北藏及龍藏：一

²⁹⁷ 大正藏：二者；永樂北藏及龍藏：二

²⁹⁸ 大正藏：三者；永樂北藏及龍藏：三

²⁹⁹ 大正藏：四者；永樂北藏及龍藏：四

³⁰⁰ 大正藏：五者；永樂北藏及龍藏：五

³⁰¹ 大正藏：六者；永樂北藏及龍藏：六

身眾生在中居住；七³⁰²、不宿死尸；八³⁰³、一切萬流、大雨投之，不增不減。善男子，漸漸轉深有三事。何等為三？一、眾生福力；二³⁰⁴、順風而行；三³⁰⁵、河水入故。乃至不增不減亦各有三。

「是大涅槃微妙經典亦復如是，有八不可思議。一、漸漸深。所謂：五戒、十戒、二百五十戒、菩薩戒、須陀洹果、斯陀含果、阿那含果、阿羅漢果、辟支佛果、菩薩果、阿耨多羅三藐三菩提果，是涅槃經說是等法，是名漸漸深。是故，此經名漸漸深。

「二³⁰⁶、深難得底。如來世尊不生不滅，不得阿耨多羅三藐三菩提，不轉法輪，不食不受，不行惠施，是故名為常、樂、我、淨。一切眾生悉有佛性，佛性非色不離色³⁰⁷，非受、想、行、識，乃至不離識³⁰⁸，是常可見，了因非作因。須陀洹乃至辟支佛當得阿耨多羅三藐三菩提，亦無煩惱，亦無住處，雖無煩惱，不名為常，是故名深。

³⁰² 大正藏：七者；永樂北藏及龍藏：七

³⁰³ 大正藏：八者；永樂北藏及龍藏：八

³⁰⁴ 大正藏：二者；永樂北藏及龍藏：二

³⁰⁵ 大正藏：三者；永樂北藏及龍藏：三

³⁰⁶ 大正藏：二者；永樂北藏及龍藏：二

³⁰⁷ 大正藏：於色；永樂北藏及龍藏：色

³⁰⁸ 大正藏：於識；永樂北藏及龍藏：識

「復有甚深，於是經中或時說我、或說無我，或時說常、或說無常，或時說淨、或說不淨，或時說樂、或時說苦，或時說空、或說不空，或說一切有、或說一切無，或說三乘、或說一乘，或說五陰即是佛性、金剛三昧及以中道、首楞嚴三昧、十二因緣、第一義空。慈悲平等於諸眾生，願³⁰⁹智信心知諸根力，一切法中無罣闔智，雖有佛性不說決定，是故名深。

「三³¹⁰、同一鹹味³¹¹。一切眾生同有佛性，皆同一乘，同一解脫，一因一果，同一甘露，一切當得常、樂、我、淨，是名一味。

「四³¹²、潮不過限。如是經中制諸比丘不得受畜八不淨物，若我弟子有能受持、讀誦、書寫、解說、分別是大涅槃微妙經典，寧失身命，終不犯之，是名潮不過限。

「五、有種種寶藏。是經即是無量寶藏，所言寶者，謂四念處、四正勤、四如意足³¹³、五根、五力、七覺分、八聖道分、嬰兒行、聖行、梵行、天行、諸善方便、眾生佛性、菩薩功德、如來功

³⁰⁹ 大正藏：頂

³¹⁰ 大正藏：三者；永樂北藏及龍藏：三

³¹¹ 大正藏：一味；永樂北藏及龍藏：同一鹹味

³¹² 大正藏：四者；永樂北藏及龍藏：四

³¹³ 大正藏：分

德、聲聞功德、緣覺功德、六波羅蜜、無量三昧、無量智慧，是名寶藏。

「六³¹⁴、大身眾生所居住處。大身眾生者，謂佛菩薩，大智慧故名大眾生，大身故、大心故、大莊嚴故、大調伏故、大方便故、大說法故、大勢力故、大徒眾故、大神通故、大慈悲故、常不變故、一切眾生無罣闔故、容受一切諸眾生故，是名大身眾生所居之處。

「七³¹⁵、不宿死尸。死尸者，謂一闍提、犯四重禁、五無間罪、誹謗方等、非法說法、法說非法、受畜八種不淨之物、佛物僧物隨意而用，或於比丘、比丘尼所犯³¹⁶非法事，是名死尸。是涅槃經離如是等，是故名為不宿死尸。

「八³¹⁷、不增不減。無邊際故、無始終故、非色故、非作故、常住故、不生滅故、一切眾生悉平等故、一切性³¹⁸同一性故，是名無增減。

「是故，此經如彼大海有八不思議。」

師子吼言：「世尊！若言如來不生不滅名為深者，一切眾生有四種生：卵生、胎生、濕生、

³¹⁴ 大正藏：六者；永樂北藏及龍藏：六

³¹⁵ 大正藏：七者；永樂北藏及龍藏：七

³¹⁶ 大正藏：作

³¹⁷ 大正藏：八者；永樂北藏及龍藏：八

³¹⁸ 大正藏：法性；永樂北藏及龍藏：性

化生，是四種生，人中具有。如施婆羅比丘、優婆施婆羅比丘、彌迦羅長者母、尼拘陀長者母、半闍羅長者母，各五百子同於卵生，當知人中則有卵生。濕生者，如佛所說：『我於往昔作菩薩時，作頂生王及手生王；如今所說菴羅樹女、迦不多樹女。』當知人中則有濕生。劫初之時，一切眾生皆悉化生。如來世尊得八自在，何因緣故不化生耶？」

佛言：「善男子，一切眾生四生所生。得聖法已，不得如本卵生、濕生。善男子，劫初眾生皆悉化出³¹⁹，當爾之時佛不生³²⁰世。善男子，若有眾生遇病苦時，須醫須藥；劫初之時，眾生化生，雖有煩惱，其病未發，是故如來不出於³²¹世。劫初眾生，身心非器，是故如來不出於³²²世。善男子，如來世尊所有種姓、眷屬、父母勝諸眾生³²³。以殊勝故，凡所說法，人皆信受，是故如來不受化生。善男子，一切眾生父作子業，子作父業，如來世尊若受化身則無父母，若無父母，云何能令一切眾生作諸善業？是故如來不受化身。

³¹⁹ 大正藏：生

³²⁰ 大正藏：出

³²¹ 大正藏：其

³²² 大正藏：其

³²³ 大正藏：事業勝諸眾生，所謂種姓、眷屬、父母；永樂北藏及龍藏：種姓、眷屬、父母勝諸眾生

「善男子，佛正法中有二種護：一³²⁴、內；二³²⁵、外。內護者，所謂禁戒；外護者，族親眷屬。若佛如來受化身者則無外護，是故如來不受化身。善男子，有人恃姓而生憍慢，如來為破如是慢故，生在貴姓，不受化身。善男子，如來世尊有真父母，父名淨飯，母名摩耶，而諸眾生猶言是幻，云何當受化生身耶³²⁶？若受化身，云何得有碎身舍利？如來為益眾生福德故，碎其身而令供養，是故如來不受化身。一切諸佛悉無化生，云何獨令我受化身？」

爾時，師子吼菩薩合掌長跪，右膝著地，以偈讚佛：

如來無量功德聚 我今不能廣宣說
今為眾生演一分 惟願哀憫聽我說
眾生無明闇中行 具受無邊百種苦
世尊能令遠離之 是故世稱為大悲
眾生往反³²⁷生死繩 放逸迷荒無安樂
如來能施眾安樂 是故永斷生死繩
佛能施眾安樂故 自於己樂不貪樂
為諸眾生修苦行 是故世間與供養

³²⁴ 大正藏：一者；永樂北藏及龍藏：一

³²⁵ 大正藏：二者；永樂北藏及龍藏：二

³²⁶ 大正藏：之身；永樂北藏及龍藏：身耶

³²⁷ 大正藏：返

見他受苦身戰動 處在地獄不覺痛
為諸眾生受大苦 是故無勝無有量
如來為眾修苦行 成就具足滿六度
心處邪風不傾動 是故能勝世大士
眾生常欲得安樂 而不知修安樂因
如來能教令修習 猶如慈父愛一子
佛見眾生煩惱患 心苦如母念病子
常思離病諸方便 是故此身繫屬他
一切眾生行諸苦 其心顛倒以為樂
如來演說真苦樂 是故稱號為大悲
世間皆處無明殼 無有智嘴能破之
如來智觜能沮³²⁸壞 是故名為最大子
不為三世所攝持 無有名字及假號
覺知涅槃甚深義 是故稱佛為大覺
有河洄復沒眾生 無明所盲不知出
如來自度能度彼 是故稱佛大船師
能知一切諸因果 亦復通達盡滅道
常施眾生病苦藥 是故世稱大醫王
外道邪見說苦行 因是能得無上樂
如來演說真樂行 能令眾生受快樂
如來世尊破邪道 開示眾生正真路

³²⁸ 大正藏：啄

行是道者得安樂 是故稱佛為導師
非自非他之所作 亦非共作無因作
如來所說苦受事 勝於一切諸外道
成就具足戒定慧 亦以此法教眾生
以法施時無妬吝 是故稱佛無緣悲
無所造作無因緣 獲得無因無果報
是故一切諸智者 稱說如來不求報
常共世間放逸行 而身不為放逸污
是故名為不思議 世間八法不能污
如來世尊無怨親 是故其心常平等
我師子吼讚大悲 能吼無量師子吼

大般涅槃經卷第三十

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

南無佛 南無法 南無僧 (合掌三稱)

南無一切如來、應、正等覺 (合掌三稱)

南無本師釋迦牟尼佛 (合掌三稱)

南無大般涅槃經 (合掌三稱)

發願文

(一編)

志心懺悔。我(某甲)與一切衆生，從無始來，
迷失真心，流轉生死，六根罪障，無量無邊，圓
妙佛乘，無以開解，一切所願，不得現前。我今
讀誦大般涅槃經，以此善根，發露黑惡，過、現、
未來三業所造無邊重罪，皆得消滅，身心清淨，

惑障蠲除，福智莊嚴，淨因增長，自他行願速得圓成。願諸如來常在說法，所有功德起隨喜心，迴向菩提，證常樂果。命終之日，正念現前，面見彌陀及諸聖眾，一剎那頃，生蓮華中。普願眾生，俱成佛道。

迴向偈

(一編)

誦經功德殊勝行 無邊勝福皆迴向
普願沉溺諸有情 速往無量光佛刹
十方三世一切佛 一切菩薩摩訶薩
摩訶般若波羅蜜

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

